


# UMUNTU UWA

## MICITILE IYA IBELA

 Natube abaiminina pakashitafye akanono. Mwebatemwikwa Shikulu, twaisa mukubapo Kwenu ukwa Mushilo nakabili ukupitila mwi pepo; mukubalilapo, ukupela ukutotela pali fyonse ifyo Imwe mwatucitila, kabili pa citemwiko mu mitima yesu uko twa Mi kwatila ne Cebo Cenu. Shikulu, aba bantu, muli ino nshita ya bushiku, abo Natemwa no mutima wandi onse, nabaipela ilambo kabili ukwisa ikala mu mumuputule uwakaba, kabili nifinshi-fimbi, pantu bena balitemwa i Cebo Cenu.

<sup>2</sup> Kabili twaisa mukupepelela abalwele, muli ino nshita ya bushiku, Shikulu, na bali ne fyakukabila. Lekeni mukane ukuba umuntu uwanaka pakati kesu pampela ya kulongana uku. Balambuleni pa chishinka cabo Shikulu. Landeni kuli ifwe ukupitila mu Cebo Cenu, kabili tukosheni, Shikulu, ilyo tuleya, nokusenda ukusekwa. We nsambu ishapelwa we ukucita ici! Twalomba mwi Shina lyakwa Yesu. Amen. Kuti mwaikalako.

<sup>3</sup> Nacifilwa ukusanga amashiwi, ngefyo fine, ukulondolola ukutotela kwandi ukulola kwi bumba lya bantu baba ngefi, abengesa nokwikala muli cino cikulwa. Ndefwaya ukulanda, ukutula, mailo. . . Nangu, ifwe tuli nokuya kulya ku Topeka, ku Kansas, ku kulongana ukuli nokukonkapo, kabili uko kukapwa pa Mulungu ukakonkapo. Kabili nga twaya, ukufuma kulya, tukaya ku Philadelphia.

Kabili, nomba, ifwe tufwile ukuya ku fyalo fya kutali, kulya ku Kenya, kabili ku Tanganyika, kabili ku Uganda, mulya mu—mu mitundu mukati mulya. Kabili nabakwata ukutintana ukunono pali nomba na ba Mau Mau. Teti njemo nga minshioni, lelo Nkesha ukwingilamo nga fundi. Ukwingila mo, ilyo bale esha ukuwamya.

<sup>4</sup> Iilingi line, Ndengilamo nga minshioni kabili ndayako namukulunga, uno muku Ndeya nga mukulunga, kabili nokuyaba minshioni. Eico, kuli—kuli, inshila yonse iya kwingililamo kulya kuli bena. Kabili Munyina Mattson-Boze ali nomulimo, ukweshwa ukunjingisha mukati, ukupekanya ubulendo bwakuti naingilamo ukuya mukulunga. Ukuba, nomba, Naisa muli buno bulendo bwakulunga, elyo ena akatila, “Munyina wesu Branham ali muno calo.” Ukuya ku embase, “Bushe kuti cabafye bwino nga kuti twakwatako ukulongana ukunono kuno?” Mwamona? Kabili iyo entampilo ya ico, kabili cikatwalilila. Eico tatwishibe ifyo cena cikaba, ifwe nga ifwe tuli

nokucita ico, nangu iyo. Tuleesha. Kabili Ni njipusha Shikulu, nga cakuti kukaba cimo icingacitika ukutila ena teti, nomba cena cikaba icishibilo kuli ine ukutila Ndi nokubwelela kuno ku Jeffersonville noku shimikila pa *Mapenga Cine-lubali*, mu Cikungulu pepo nangu mu Kasaka ntobo, kulya mulya mwine.

<sup>5</sup> Kabili nomba, nga twacita ico, ifwe tulemona ileelo, tuli nokwesha ukusenda uyu umuputule wa masambililo kuno uyo uwakwata mashini italalika-umwela mu muputule, pantu kuti mwaba umwawama kabili umwatalala panono. Mulekala abantu ikana limo nemyanda isano-ukufika-kwikana limo ne myanda cine konse konse. Kabili wena walikwata mashini ya kotalalika-umwela, incende iipya nganshi, imbali shine shalingana shisano pamulu waici. Kabili inshita imo ifwe twalipwishe palwa ici, kabili bena tabasuminishe ukuti ifwe tucikwate ici. Kabili umwaume uwatukenye ifwe ukuti tukwate ilya ncende balimuposa ukumufumyapo pa kabungwe. Eico nomba, umwaume uli po palya nomba aletila ifwe kuti twaikwata ilya inshita ili yonse. Eico ifwe tuli—ifwe tuli abasansamuka nganshi ukuikwata ilya. Kabili nomba ifwe kuti twaba abakuisenda nomba, kabili munshita imo mu Cikungulupepo, kabili ukukwata. . . Nibanga abengalapepa, ngo bufwayo bwakwa Shikulu nomba, nga icintu cimo catukanya? [Ulukuta lwatila, “Ameni.”—Kale.]

<sup>6</sup> Na mwishiba, Nalitemwa Arizona. Calo icisuma. Ndakabila lyonse ukuba kulya.

Nga kuti mwacisunka pamulu panono, Mumyina Ben, nga kuti mwacita ico, nga cili. . . Oh, ico. . . Ee, mukwai. Ee. Nangu, onse uli pali cilya, acininikeko cena panonofye, pantu Nde bwela ukufuma muli iyo iyacine. . . [Umo umuntu atila, “Tepu, bamunyina.”—Kale.] Mwatila shani? [“Ifyo ma tepu fye.”] Oh, amatepu fye. Oh, apa pali imbi imo pamulu pano. Mbeledeniko uluse. Cisuma, Munyina Ben. Eico Ine. . .

<sup>7</sup> Ukubwela ukufuma ku Arizona, ukubwela kuno, ici cilempanga ukukoma ishiwi panono, kumulandu wa kucinja kwa miclele. Kuno ifwe twakwata mukufika ku makumi cine konse konse-nacine lubali, kabili limo limo umwanda umo ba pecenti, uwa cipuki. Kabili kulya limo takuba nakalya, kabili nomba limo limo, mukusanga iyaseka imiku, umo-mumakumi yabili ya imo pecenti ya cipuki. Mule ikalafye mwisamba lye tenti lya mwela wakupema. Kabili nomba ukufumamo mwisamba lya ilyo, ukwisa kuno, namwishiba ubupusano ubukalamba ici cipanga muli imwe. Eico ici cila cusha mwi shiwi, kabili nafimbipo.

Itintileni palya pantu yaciba, nga kuti mwacita ifyo, Munyina Ben. Nacipanga icilubo pakuitintila pamulu. Nacimona kwati filya efyo, lelo *pano* pamulu epo baininikilapo.

<sup>8</sup> Nomba mu tupepeleko, bonse cilamuntu. Ndemutotela. Billy acilanjeba ukutla umuntu acituletelako umuseke wa ma pinches, kabili ifyo ifya bupe ifinono ifyo imwe. . . Ine teti mutotele ukufikapo. Nshi—Nshi shibe ifyo ninga cita. Kabili Nde—Nde umfwa uwabula ukufikapo uwakusenda ifintu ifyaba ngefyo ukufuma kuli imwe. Na pepa ukuti Lesa amupale, kabili Ni njshiba ukuti Ali nokucita ifyo, pantu Atile, “Nga fintu imwe mucita ku wacepesha pali aba, imwe namucita ici kuli Ine.” Kabili Lesa ali nokumupaala, Ndi uwa shininkisha.

<sup>9</sup> Kabili mu Arizona ukuba icalo ica wama nganshi, paliba cimo icintu ico Ine mfuluka, ico, nimwe bonse. Ico nacilungama. Ndamufuluka bonse. Nshi—Nshi lesakamana uko Naya, Ine—Ine. . . ici teco, ici te imwe. Na likwata abanandi, konse konse ukushinguluka icalo, lelo ici—ici te—ici te imwe bonse. Kuli cimo icintu palwe bumba ilinono ili lili fye. . . Ine nshishibe. Nda batontonkanyapo.

<sup>10</sup> Kabili ku Tucson, musumba wa ba tandashi ba filengwa na lesa, na mwishiba, kabili ama chalichi yaletinta, na mwishiba. Ici cili icakosako. Ico tacili ica mupashi uwafikapo; kabili, pantu kuli ukucimfyanza, ukwakosa nganshi; neco cilenga ici ukuba ica afya. Nga cakuti Ine kuti namikwata bonse imwe, ukubikapo ne chalichi, elyo ukwikala kunse kulya, Nde elenganya ici kuti caba icalungama. Mwamona? Lelo Nde cimwena umu, apofye ili likekalilila ukuba ichalichi, kabili imwe bonse mwakulaisa, Ine nkaba pano, mpaka Yesu akese.

<sup>11</sup> Eico mpepeleniko, nga fintu Na cisosa pakashita akacipita. Nshi leplibula uku cibwekeshapo, lelo nga Na isa kuntanshi yenu, Nda—Nda ba uwasakamana kabili uwatina, Ine ndaba uwabulanda, kabili uwakwata ifyakumfwa ifyafula, kabili teti mwishibe ifyo imibele yandi yalaba, pamo. Naba ifyo, mukutendeka, eico Ine. . . ici cimpanga ukuba uwalepuka mukati. Lelo ukwishiba ukuti konse kuntu Ni ngaya. . . Nsha kwata i—i bumba pano pe sonde, ilyo Na ishiba, abakambatila kuli ine nga lino ibumba. Leken—lekeni Lesa atupange abashinga lekana, ukuti, mu Bufumu ubo buli nokwisa, lekeni ifwe tukabe bonse pamo; epepo lyandi.

<sup>12</sup> Nacikala pano pa cibi, ukulanda kuli Bill Dauch pakashita akanono akapitapo ilyo takulaba ukuleta umu umuntu ukumubwekesha kuli Kristu, nakabili, mu muputule umbi. Lelo ukwikala pano ninjikala ndelanda na ena, imyaka yakufyalwa amakumi pabula na-umo, ena atile, “Ine—Ine amaka naya tampa ukupwa. Amenso yandi tayali ifyo yafwile yena ukuba.”

Kabili Nde tontonkanya, imyaka ibili iyapitapo, Na ishile kuli ena ilyo akwete umutima ukuleka ukubomba onse no mutima ukushinka, alefwa. Kabili dokota umu wine uwa lemutensha, uyo uwasosele ukuti teti apole, uyo dokota alifwa. Kabili Bill Dauch uyo ekele apo, mwamona, uwa myaka

yakufyalwa amakumi pabula na-umo. Natile, “Bill, taukwete incito mwi sonde ukulola kukubomba kabili ifintu fyaba ngefyo. Lelo Nde ipusha ici, ‘Lesu akupele amaka,’ pantu walitemwa imisonkano nganshi.” Ulya uwamyaka yakufyalwa amakumi pabula na-umo umwaume apita mu calo muli motoka, mukukaba, mukuma, mukutalala, ukukana posako amano, kuli fyonse ifintu fyaba, mukumfwa i Cebo. Lesu apale umweo ulya uwabulamba. Nomba Ine nshi . . .

<sup>13</sup> Ni nkwatoko icakulombelapo ubwelelo, pa kumisunga munshila iyo Na cicitilamo luno lucelo, pali ba ora batatu. Kuli Nsha ibombelepo imbila, pantu Na ci iputula, kabili ukushako icipandwa cimo kuli yena, kabili ukutoloka icipandwa cimo ica yena, kabili nafimbipo. Uyo e mulandu Na cibebela ukwimika tepu. Lekenj njisende nakabili pamo pancende apo apali apatalala panono nangu icintu cimo. Kabili Na—Na—Na cumfwa Mupashi, lelo Nde milolesha no kwishiba ukuti muleipupusha kabili namukaba, kabili—kabili ico cilandepula mu tupimfya. Nshi lefwaya imwe ukucula; Nde—Nde fwaya ukuti mube abaumfwa bwino. Mwamona? Kabili ico cilanasha.

<sup>14</sup> Kwati, Nda mona abantu abalwele; nga Ine teti—nga teti Nkwate ukusakamana pali balya bantu abalwele, Teti mbacitile icisuma. Ine—Ine mfwile nakwata ukusakamana pali bena. Kabili cintu cimo cine na—na imwe; Ine—Ine mfwile nakwata ukusakamana pali imwe, nga teifyo teti Mbe munyina wenu. Mwamona? Ine—Ine mfwile nakwata ukusakamana pali imwe. Kabili, Nda cita ico; Lesu alishiba ukuti ico cishinka.

<sup>15</sup> Kabili nomba, muno nshita ya bushiku, Nde ipela kuku pepelela abalwele.

Kabili Nde fwaya uku . . . umwaume, kabili ukupaala aba abauwe, na Munyina Collins, kabili Hickerson, Munyina Neville, Munyina Capps, na ba cetekelwa, na bonse, pa nsebo ishisuma ishileisa, pa fyo mwaba ababa mu mutande, ukuteeka ichalichi, kabili ifyo fyonse fileisa mu ncende iya yana. Ndi uwatotela kuli imwe mwe baume. Shikulu amupaale pa kwesha ukukonka ifya soswa ukucita. Kabili kalata panuma ya kalata shi leisa ukufuma ku Tucson, kuli ine, “Munyima Branham, tacili ngefyo cena cali. Cili icaibela nganshi, we kumfwa ukusuma ukwa kuba mu Kubapo kwakwa Lesu.” Kabili Ndi—Ndi uwatotela pali ico. Shikulu amupale nganshi imwe!

<sup>16</sup> Apa, nomba, muli ino nshita ya bushiku, Na cilabelenga mu Malembo pa ncende inono, uku—uku nalimo ukutantika amalembo yanono, ukusosa kabili ukubelenga Ilembo, kabili nalimo yabili Amalembo, nomba ukulanda naimwe pa kashita akanono kabili ukwisa pepelela abalwele. Tefyo lelo ni pa kashita akanono; Nde lolesha pa nkoloko, kabili Ndi nokwisha ukucipanga ica kwangufyanya ukulingana napo twalafika. Lelo Nde tontonkanya ukuti ilyo ibumba lya bantu abakolongene

pamo, ukwabula ukubelenga i Cebo nangu ukucita icintu cimo, ifya ku koselesha, umusokano teti ube uwapwililika.

17 Mwebengi namulolela. Mwe bengi namukwata ba mailoshi abakwenda muli ino nshita ya bushiku. Ifyo Ine ndekumbwa ico! Ifyo Nde lolesha nokumona cila umo, kabili ukutontokanya palwa... Kulya ku Arizona, Nde tontokanya, "Ilyo Nka mumona nakabili, Ndi nokwenda ukuya kulya no kumuposha pakuboko no kumukukutula pa mukoshi." Kabili apa imwe namwikala pano, kabili uyo, nikwi kuntu Ine, na mwishiba? Nshi shibe nga nipesa apakutampila, kabili nifisa... ifya kufuma muli ici. Lelo, ee, Na limitemwa. Lesa ali mitemwa, pamo.

18 Nomba Nde tontokanya, nga Nshi lufyenye, nga Nshi kwete ya—yambi Amalembo aya lambalele pano, Nde fwaya ukubelenga ukufuma Kolinti Wacimo, chapitala ya1, ukubalilapo ne versi lya 18, kabili no kubelenga mu Bena Korinti Wacibili 12:11, ukufumyapo apa kubelenga. Nomba Ine nga kuti nayasanga ayo mukwangufyanya, nomba ifwe twalabelenga, kabili tupepe no kwingilamo, nalasosafye kuli imwe pali ba miniti banono pe sambilisho linono. Mu Korinti Wacimo, chapitala ya 1, ukutendeka ne versi lya 18.

*Pantu ukubilwa kwa capindama kuli bena abo abaleonaika bu pumbu; lelo kuli ifwe fweba pusuka cena maka yakwa Lesa.*

*Pantu cena calilembwa ukuti, Ine nkonaula amano yaba mano, kabili nkalenga ukuba icafye ukukutuluka kwaba mano abaibukila.*

*Nikwisa ukuli aba mano? nikwisa kuli ba kalemba? nikwisa ukili kakana we sonde lino? bushe Lesa taapanga ubupumbu ukuba mano yalino isonde?*

Bushe kuti Na ambula ico nakabili? "Bushe Lesa taapanga ubupumbu ukuba mano yalino isonde?" Nomba amano ya muli cino calo nifinshi? Bupumbu.

*... bushe Lesa talenga ubupumbu ukuba mano yalino isonde?*

*Pantu panuma yaico mu mano yakwa Lesa isonde ukupitila mu mano talyaishibe Lesa, lelo cena casekeshe Lesa ukupitila mubupumbu bwa kubila ukuba pususha bena abo abacetekela.*

Bushe Mbe lenge iyo versi nakabili? Kutikeni muposeko amano.

*panu panuma yaico mu mano yakwa Lesa isonde ukupitila mu mano talyaishibe Lesa, cena casekeshe Lesa ukupitila mubupumbu bwa kubila ukuba pususha bena abo abacetekela.*

*Pantu aba Yuda bafwaya icishibilo, ...aba Greeki bafwaya amano:*

*Lelo ifwe tubila Kristu uwatanikwe, kuba Yuda e cakuiipununako, . . . ku ba Greeki bupumbu;*

*Lelo kuli bena abo abaitwa, bonse aba Yuda naba Greeki, Kristu amaka yakwa Lesa, kabili amano yakwa Lesa.*

*Pantu ubupumbu bwakwa Lesa bwalicila amano ya muntu; kabili no bunasha bwakwa Lesa bwalikosa ukucila umuntu.*

<sup>19</sup> Kabili Korinti Wacibili chapitala ya 12, ne versi ya 11, Paulo alesosa.

*Ine nasanguka umupumbu mu kukatamika; imwe namunenga ine: pantu Ine ndefwaya ukutashiwa na imwe: pantu mukukana ba icintu Ine nshaba uwashalila kuli ulya wine umuntu umukalamba shimapepo, nangula Ine nshili nangu cimo.*

<sup>20</sup> Na tupepe. Shikulu Yesu, lundeni kuli aya amashiwi yanono, muli ino nshita ya bushiku, ayo ayasoswa munshiku ishapita, pa mukalamba umutumwa Paulo, ukuti ifwe kuti twa tunguluka pakuyomfwa muli ino nshita iya bushiku, pa ku yabomfya mu myeo yesu, ukuti ifwe tube i–i fyapangwa ifya kwa Lesa, ukupangwa muli fashioni iyo Ena atusalila ifwe ukubelamo. Pantu twalombela ifi mwi Shina lyakwa Yesu. Ameni.

<sup>21</sup> Nala shimikila muli ino nshita ya bushiku pali ba miniti abanono, Shikulu nga asuminisha, pe sambililo ilya: *Umuntu Uwa Micitile Iya Ibela*. Nomba, ico cili ica kalabana, icabula umucinshi ica kubelenga icakusenda, lelo cili, Nde tontonkanya, ukucilanda munshila ico Nde fwaya ukucilondolola.

<sup>22</sup> Na mwishiba, kuli ifintu ifingi nganshi, ileelo, ifyo abantu basanguka *abantu aba micitile iya ibela*, ifwe efyo tu ciita. Kabili uku ukulondolola, nga abantu tabakumfwapo, ici cilepilibula ukuti umo umuntu aliba “uwakukanaba umutuntulu,” umuntu uwaba “uucita ifyaibela” ku muntu umbi. Kabili tecakutwishika lelo ukuti ifwe fwebengi twaliba abaibela, umo ku munankwe.

<sup>23</sup> Kabili, nomba, Na leya nde enda mu musebo inshita imo mu Los Angeles, ku California, kabili Na mwene umuntu uwaibela nganshi, alecita imicitile iyaibela. Kabili aleya ale endai pa musebo, teku ilishanya, lelo alifye kwati ale tandala munshita ya cungulo. Kabili Na ile ku mbali imbi iya musebo, ukuti mone ifyo alecita. Bonse abantu balepilibuka, balemuseka, pa mulandu waku kanaba nga fintu bonse baba.

Na ishile mona ukuti alikwete icipampa ica kobekwe pantanshi yakwe. Kabili Na tontonkenye ukuti kuti Na mona ifyo bonse baleseka, uyu uwaibela, umwaume uushaba nga fintu bonse baba. Kabili eico ena aali. . . Na ishile mu lolesha lintu abantu bale mulolesha, bena balemuseka, kabili–kabili, lelo ena amoneke ukukwata ukumwentula ukwaibela, ukumwentula

ukwakuba uwa sekela mufyo aali. Kumbi ukumwentula uko abantu bale mupela kwali kwati ku mupumya, lelo ena amonekefye uwansansa mufyo alecita.

<sup>24</sup> Ukuba, ifyo fingi fyonse ifya kutontonkanyapo, ilyo umuntu ali uwansansa mufyo alecita ici lungeme. Nangu ali umuntu wa micitile iyaibela ku muntu umbi, nga ali uwa nsansa ukuti ifyo alecita nafilungama, ninshi lekeni ekale neco.

Kabili ilyo Na ishile mupepi ku muntu umunono, Na loleshe pa...ukupita pa cifuba cakwe apa, pa cakwimya nangu icipampa, palembelwe ukuti, “Ndi ciwelewele,” kabili panshi, pali, “ica kwa Kristu.” “Ndi ciwelewele,” mu malembo ayakalamba; panshi pesamba palya, patile, “ica kwa Kristu.” Kabili abantu bonse baleseka pali ici.

<sup>25</sup> Kabili ilyo uyu umuntu umunono aisunkile ukuya ukupita mwi bumba lya ku pumya kabili ne fya kutwalilila, Na pilibwike ukufwaya ukumona icali pa numa yakwe. Kabili pali icilembo ca ilipusho icikalamba pa numa yakwe, kabili panshi pesamba, patile, “Nomba iwe uli ciwelewele cakwani?”

<sup>26</sup> Ukuba, Na—Na tontonkenye ukuti ena alikwete icintu cimo palya, mwa mona, lelo amoneke ukuba uwa cisuminisha ukuti engaba iciwelewele cakwa Kristu. Kabili ico eco Paulo aselele ukuti ena alisanguka, “iciwelewele” cakwa Kristu.

<sup>27</sup> Munyina Troy, uwa Ba Shimakwebo ba Iyapwililika Imbila nsuma, cibusa wandi umusuma, ena—ena ni kaputula wa nama. Kabili aishile kwata kamo akashishi mu kuboko kwakwe, akafumine mukuputula umunofu wa nkumba inshita imo. Umwaume umu uwaishiba, nangu umwanakashi, nalimo kuti aishiba ifyo ako kashishi kali; lelo kena—kena kali nokukulya iwe. Eico, pamulandu wakupususha umweo wakwe, bena bali—bali putwile iminwe itatu. Kabili akwatafye iminwe ibili ku kuboko kumo, lelo nanomba acili kashitisha wa nama.

<sup>28</sup> Kabili kwali umu Gelemani umunono uwa lebomba nao mwi—mwi tuka lya kushitishamo inama, mulya mu Los Angeles, eico ena—ena ale esha ukutungulula ulya umu Dutch umunono kuli Kristu. Kabili ena atile ali umu “Lut’erani”, kabili cena califye ica lungama kuli ena. Ena aali uwa umfwa bwino ukuti aali umwina Kristu, pantu aali umu pe bumba lye chalichi ca ba “Lut’erani”, nga fintu acilandile cena. Eico munshita ya bushiku imo Munyina Troy akwete inshita iyalinga iya ku musenda ku chalichi.

<sup>29</sup> Ishina lyakwe aali ni Henry. Kabili Henry, mucu Gelemani, ni “Heinrich,” kabili eico bena bamwita ati “Heini.” Na mumfwa uko ukulondolola. Ena atile, “Heini, bushe teti uye na ine ku chalichi ileelo ubushiku?”

<sup>30</sup> “Ukuba,” ena atile, “Ni nceletela ukuti Ndeya.” Eico ena aile ku kulongana kwa mafashoni-yakale uko kuntu balekwata

ukulongana kwa mapepo, kabili aishile ba pesamba yaku shininwa, kabili apele no mutima wakwe kuli Kristu.

Oh, ubushiku bwa konkelepo, uyu umwaume umunono umu Dutch aleipakisha umwine eka. Yonse inshita yapitapo ale enda ukupita mu cikulwa, na maboko yakwe mu mulu, aletila, “Amalumbo yabe kuli Lesa! Na Mutotela, Shikulu Yesu!” kabili acebwishe amano ya bonse, aya bonsefye.

<sup>31</sup> Mwa mona, ena asangwike umuntu uwa micitile yaibela ku mulongo wa ba kaputula wa nama. Kabili lilya aleputula inama, kabili nga alatontokanya pali Shikulu, kuti atampa no kulila. Kutu abika umwele panshi, no kwenda pamulu-na-panshi ya kashila, te mukucilishamo, lelo ale pangafye ici temwiko kuli Kristu, aletila, “Oh, ifyo Na Mutemwa, ‘Yesu!’” Na mwishiba, ukwenda kuntanshi na kunuma.

<sup>32</sup> Kabili umukalamba aishile pitapo no kumumona alecita ici, kabili ilyo aile ale enda, alelila. Kabili, umukalamba, ena tamumwene umukalamba; aletontokanya pali Yesu. Kabili atampile ukuya, na maboko yakwe mu mulu, ne ifilamba filekonkoloka panshi ya matobo, aletila, “O Lesa, eflyo Na Mutemwa!”

Kabili umukalamba atile, “Heini, bushe cinshi mu calo cicitike kuli iwe?” Ena atile, “Bonse mu—mu mulongo balelanda pali ici. Bushe cinshi mu calo cicitike kuli iwe, Heini?”

<sup>33</sup> Umu Dutch umunono atile, “Oh, mweba kalamba!” Atile, “Ubukata kuli Lesa, Ni mpusuka!”

Atiile, “Iwe wacitile cinshi?”

Atile, “Ni mpusuka!” Atile, “Na lile na Munyina Troy kuno kwisamba kuli ba minshioni, kabili Ni—Ni mpusuka. Kabili Yesu alisa mu mutima wandi, kabili Na liba uwaisulamo icitemwiko!”

Atile, “Ufwile waliya kulya kwi bumba lya ba fulungana.”

<sup>34</sup> Atile, “Ee!” Atile, “Ubukata kuli Lesa!” Atile, “Twatotela Lesa paba fulungana!” Atile, “Na mwishiba, nga mwasenda motoka ileisa pa musebo, kabili iwe wa fumyamo yonse ama nuti ukufumya muli ici, iwe taukwete icintu nangu cimo lelo ibumba lya ‘fyela!’”

<sup>35</sup> Ukuba, nshi shibe lelo ulya umunono umu Dutch ali uwalungamika. Ukufumya ama nuti yonse? Ama nuti eyekata ici pamo. Kabili Nde tontontokanya ukuti icikata ichalichi pamo limo, cilekata ukutumpuluka pamo.

<sup>36</sup> Nomba, pa kubwela pa bulendo bwa kutandalila incende ya Prescott, inshiku ishapitapo ishinono, Na lelolesha pa ciswebebe kabili nokumona ifyo kulya ku Phoenix bena balikwata Amabala yanono aya bena Japan, kabili bena balikwete namaluba mulya mwine, amaluba ayasuma. Uko, lintu Nali umulumendo kulya kwine, Na lecema in’gombe ukupita monse



muli shilya incende. Ing'ombe, takwali icani, eico shena sha lelyafye inseke shaletwala ku fimuti fya myunga na fimbipo.

<sup>37</sup> Kabili nomba Na mwene ukutila kwaliko uku—uku sanda mukubomfya iciswebebe. Kabili mu ciswebebe emo twalefisanga, ifimuti fya myunga na maluba. Kabili na mu ng'anda yandi kulya, nangu in'ganda ifwe twalesonkela; Nkashi Larson, Nde tontonkanya aciba pano muno lucelo, Na cimumona. Kabili alikwata uluputa lwa maluba kunse ya—ya ng'anda; amaloba yamo. Konse kwaliba umucanga, eico abikile amaloba mu luputa lwa maluba ulukalamba ku mbali shonse shibili. Kabili cila lucelo Ndema ukufumina panse kabili nokutapilisha yonse amaluba. Nga cakuti Nshi yatapilishe, kuti yafwa. Kabili yena kuti . . . Kabili nomba, nakabili, Mfwile nabula umuti wakufuminisha no ku yafuminisha, ukufumyako ba konto kuli yena; utushishi kuti twalya noku yapwisha.

<sup>38</sup> Kabili nomba iwe kuyafye panono ukucila palya, ama fiiti amakumi yatatu ukufuma palya, palipo amaluba yamo aya lekula, kabili namulya mu ciswebebe namo yalekula. Kabili kuti waimba ama fiiti amakumi yabili ukuya panshi kabili cena cabafye kwati nimbukuli yaku bikamo ubunga; tamwaba nangu cimo mu calo lelo lukungufye, kabili tamwaba na menshi nakalya. Kabili nani ayafuminisha? Mwamona?

Ifi ifili mu maluba mu mputa, nga cakuti wafilwa ukufuminisha kabili nokutapilisha, ububenshi nangu utushishi, inda, shili no ku yalya yonse. Lelo inda teti shikateko kuli yalya yamo ayali mulya mu ciswebebe, kabili nangu uku yasunga bwino kabili no kula yatapilisha cila bushiku; yena yasanda na Kabumba. Ici kusanda kwa kusakanya.

<sup>39</sup> Kabili Nde tontonkanya ukuti, ileelo, umulandu ico ubwina Kristu bubelele ku bantu, icafulungana; ni pakutila ifwe natukwata ibumba lya ku fyalilwamo kabili ilishili iya bena Kristu aba kubalilapo, ibumba ilyo ilifwile ukusungwa bwino no kufumikishiwa bwino, kabili pakuti bena baikala mu chalichi.

<sup>40</sup> Ine kuti natontonkanya pa Chalichi caku balilapo, ifyo bena bali, kabili no kupashanya cena pamo naba abasanda ileelo. Ici ku sanda ukwacabe cabe ku fyo i Chalichi caku balilapo icituntulu cali, balya abakwete ifyakumwenako ifyamaka abacetekela muli Lesa, pamo na Mupashi wa Mushilo. Ta mwabasunsuntile ngo tunya. Ta mwakwete ne cakuba pampasha noku beba ukuti mwala basendela muli *iyi* imo; kabili nga banaka na ulya umo, bena kuya kuli ulya umbi; kabili kuti mwaba panga ba dikoni nga cakuti baisesa pano no kusha ulya umbi. Uko ekusandana kwa ku sakanya.

<sup>41</sup> Na letontonkanya pa fikope fyaku balilapo ifyakwa Michelangelo, Ni nctekela, palwa “Mulalilo wakushalikisha.” Nde tontonkanya ukuti ewa cipentele. Bushe kuti mwaingililamo ifyo cilya cikope cakubalilapo mwinga cishita? Shena kuti

shaba amakana yama dollar ayashinga pendwa, teti mutale no kufikako muli cilya ica kubalilapo, pantu cena cali cilapo napa mutengo. Cena calibikwa umutengo pa muulu! Lelo kuti mwashita yalya aya pangwa no mutengo wa bwelako nganshi palwa ma dollar yabili.

<sup>42</sup> Uyo emulandu abantu ileelo teti bakutuluke palwa maka aya tuntulu, aya wa cetekela wa cine. Bena basanguka aba fulungana. Na mwishiba, i sonde lyena libafye ilyaiminina paco lilefwaya mpaka umuku umo pa kashita kamo iwe ufwiile wakwatapo umo uwafulungana uwa kulungamika cena bwino. Cisendafye umo ewa isa moneka apo ifintu filecitika uyo uwapusanako panono, kabili ena aba uwafulungana kuli ilya nkulo. Na letontokanya ubushiku bumbi, ninani winga cita ico?

Ilyo ileelo ushili uwafulungana? Ku muntu umo waliba uwa fulungana. Ni nctekela mukupwililika ukuti isonde nalipena. Bushe na mwishiba ukuti yena ni nshita iyakuti abantu balafilwa ukupingula pakati ka cilungeme ne cilubene, nangula icine ne icilubo?

<sup>43</sup> Bushe na mwishiba abafikansa fyacalo ukuti teti bapingule icilungeme neca lubana? Kuti mwamona baikala tondolo pali uku kusala kwa Baibele ukubwelela mu chalichi nangu mu. . . Baibele ukubwelela mu sukulu? Bena taba ishiba ni nshila nshi ifikansa fya calo fili nokupupilamo. Tontokanya pali ici! Nshi shibe ifyo caba mu Indiana nomba, lelo mu ncende ya Arizona cena kulwisha amafunde ukubelenga Baibele mu sukulu. Nde tontokanya cintu cimo cine mu Indiana, mupepi na yonse United States, pantu umwanakashi umo uushacetekela acinjishe ubutantiko bonse. Kabili, ibukisheni, uena kutoba amafunde ukubelenga Baibele mu ncende sha masukulu ya cintu bwingi, lelo imisonko ya bacetekela itungilila ukukanaba abacishinka ukulafundwa mu sukulu.

<sup>44</sup> Mu fikansa fya calo. Tu lekabila umbi Abraham Lincoln. Tulekabila umbi Patrick Henry. Tulefwaya umwina America uwingeminina te mulandu ne fikansa fya calo apa fifikile, kabili nokwita icilungeme, "icilungeme," kabili ne cilubene, "icilubene."

<sup>45</sup> Bushe na mwishiba bakashimikila ileelo teti bapingule ico ici lungeme, i Cebo cakwa Lesa nangu i icilonganino ca chalichi? Tabaishiba umusebo wa kwendamo. Teti bapingule pakati ka cilungeme ne cilubo. "Na lishiba Baibele yalilanda ici, lelo i chalichi cesu calanda. . ." Mwamona, abantu balafilwa ukupingula icalungama uku fuma ku calubana. Kabili ne cintu conse ico icaba icapusanako kuli Baibele cilubo. I Cebo cakwa Lesa calilungama, kabili ne cebo ca muntu onse caba ubufi, ico icaba ica pusanako kuli Cena. Kabili no kwesha ukwiminina

pali cena i—i—i nshila iyaba ngefyo, kabili nokwiminina pali ico icalungama, iwe kusanguka uwafulungana.

Lekeni tuloleshe pa bantu abanono.

<sup>46</sup> Nde ingililamo palwa kwa kasesema Noah, muli bulya bushiku bukalamba ubo ena aikelemo; muli bulya bushiku bukalamba inkulo yabufya scienci umo bena bakulile ifikulwa fya mabwe ifya mbali shitatu ifya kasote pamuulu kabili nenkalamu isha mitwe ya bantu, umo baleshininkisha ukuti tamwali imfula mu makumbi, ukupitila mufya kufwailisha fyabu scienci. Kwaishile uyu muntu mukalamba kulya, kabili nokutiila, “Kule isa imfula ukufuma mu myuulu.” Noah aali uwafulungana kuli ilya nkulo. Ena bale mumona ukuba uwafulungana.

<sup>47</sup> Lekeni tutontonkanye pali Mose. Mose, lintu aile kuli Farao, nga fintu twacilanda mu lucelo, kabili Mose ukubwelelamo kuli Farao, nokulanda ukuti, “Shikulu nantuma kuno mukufumya aba abasha,” ne nkonto mu kuboko kwakwe, ukulwa no mulalo ukulamba uwa babulwi abo aba cimfishe isonde lyonse. Farao, muli yonse amano ya cipesha amano ayafya scienci, atontonkenye ukuti Mose aali uwafulungana. Kabili, nao aali uwafulungana, kuli bena.

<sup>48</sup> Nde ingililamo kasesema Eliya, mu bushiku bwakwe ubukalamba, lintu inkulo iisuma iyama fashioni; lintu Ahab na Yesebele batekele icalo, nga fintu cena cali, muli shilya nshiku; kabili ama fashioni yonse nefintu ifyo Yesebele alefwaya ukufwala, kabili nefyo ena alengele abanakashi bonse balefwala nga ena pamo, kabili na bakalaso bwakwe, kabili nokutwalililapo, inshila aipangilemo ama fashioni pa mwine eka. Kabili lintu umuntu umukote, nga Eliya, aishile pa ncende kabili nokukanako ku calo conse; kuli Ahab, ena aali uwafulungana. Ico nacilungama.

<sup>49</sup> Amosi, kasesema, lintu ena aishile ku Samaliya mu bushiku ubo Samaliya aali kwati ni Hollywood ileelo, abanakashi pa misebo, imifwalile, kabili nokucita ubucende pa mbilibili, nefyo baletwalililapo ifyo fine nokulaikala mulya mwine, ukuleka abaume. . .

<sup>50</sup> Ici cilifye mupepi no bucende bwa pa bwelu, ileelo, pa cinsu cenufye imwe. Na ile kuncende imo ubushiku bwa pitapo, mukushitako ifyakulya, kabili abalumendo abaice na bakashana palya baleikumbata kabili ukuitomona nga fintu Nshi ngeshiba umusango.

Kabili bushe na mwishiba, nkashi yandi umwaice, ukuti mumericitile ubo cimo cinefye no bucende? Ilyo umwaume akutomona, ninshi cimo cinefye no kucita ubucende naiwe. Ta ufwile wa muleka uku kutomona mpaka wa upwa, pa fi pandwa ifya fwilisha umulopa mu mubili, ifipandwa fyaba bonse mu abaume na mu banakashi, fyaba mu milomo. Bushe

na mukutuluka? Kabili ilyo ifipandwa fya mwaume ne fya mwanakashi fyaisa pamo, lekeni ici cibe apo cena cingaba, imwe cimo cinefye nokucita ubucende. Kabili taufwile ukuleka umwaume ukukutomona mpaka icifimbo cafimbulwa pa cinso cobe kabili uli mukashi wakwe. Mwila cita ico! Kupanga ubucende. Kusakanya ifipandwa fya mwaume no mwanakashi.

<sup>51</sup> Ninshi umwaume ta tomwena umwaume, kabili umwanakashi ukutomona umwanakashi, pa milomo? Pantu ici taci pusanya ifipandwa. Abana bafyalwa paku pusanya ifipandwa.

Eico ici cilifye mupepi no bucende bwa pa bwelu nakabili, konse konse. Lolesheni pa fitunshitunshi kabili fyonse fintu mumona, u—u kulaishingafye amate kabili no—no kutwalililapofye. Teti tupape ukutula imibele iyabipa ili—pa mulu! Kuti bacita shani ici, kabili ukulaimya imyumfwile abene kumulandu wakutomona balya abanakashi pa kanwa, ninshi nabeshiba ukuti ubu bucende! Lesa teti acelele ici kanofye iwe walapila.

<sup>52</sup> Kabili nomba, ilyo aleima, uyu umukalamba kasesema Amosi. Ena aishibikwa nga umo pa banono ba kasesema pantu tapali ifingi ifya lembelwe pali ena, lelo ena alikwete i Cebo cakwa Shikulu. Kabili ena aishile lolesha kunse pali ulya musumba, onse uwapelwa...Muncende isha kutushishamo, abaume nabekala panshi namaboko yabo naba shingulusha abanakashi, kabili abanakshi namaboko yabo naba shingulusha abaume, nga ku Hollywood ya nomba! Kabili aendele ukupita muli ulya umusumba, kabili nokusosa ukuti, “Mulapile nangu ukonaulwa!” Aali uwafulungana. Ena pepifye noku mweba ati alipena, kuli bena.

<sup>53</sup> Yohane Kabatisha, ilyo aishile moneka, ku filonganino fya bukapepa ifya bulya ubushiku, ena aali uwafulungana. Alipelwe akashita akakuba shimapepo, ukukonka intampulo sha kwa wishu. Lelo alikene ukucita ici, pantu Lesa alimufumishemo mu masambilisho ya mu filonganino, pantu incito yakwe yali iikankala nganshi. Aali nokubila ukwisa kwakwa Messiya. Kabili ilyo ena takwete nangu ifya kucita naba Farise, aba Saduke, nangu conse fintu cena cali, ena akene ibumba lyabo bonse, kabili atile, “Imwe mwitampa ukusosa, ‘Ifwe twakwata Abrahamu ukuba taata wesu,’ pantu Ine natila ukuti Lesa aliba uwakucicita ku mabwe aya ukwimya abana bakwa Abrahamu.” Ku ca—ca bukapepa icalo ca shilya nshiku shakwe, ena aali uwafulungana. Nacilungama.

<sup>54</sup> Ilyo Yesu aishile moneka. Ku babukapepa ba munshiku Shakwe, Ena nao aali uwafulungana. Pantu, bena batile, “Iwe uli mwina Samaliya. Iwe tauli bwino mu matontonkanyo Yobe. Iwe wali pena,” mu mashiwi yambi, “umuntu uwa fulungana.” Ena aali ico, ku bantu, Shikulu wenu kabili Umupusushi;

Te cakupapa, ukutilla Paulo, asambilishiwe na Gamaliel ukuba shimapepo, ukupelwa inshita isuma iyakuti ena ubushiku bumo kuti aba shimapepo mukalamba. Kabili pa musebo uwakuya ku Damasca, bamuponeshe panshi ku Lubuuto ulushinga londololwa ku fya bu scienci. Kabili aloleshe pamulu, ifi aali umu Yuda, kabili alishibe ukuti i Ntumba ya Mulilo eya tungulwile abantu bakwe. Atile, “Shikulu, bushe Nimwe Bani?”

Kabili Ena atile, “Ine nine Yesu.”

<sup>55</sup> Kabili ilyo asulile amasambililo yakwe, asulile yonse amasambililo ya bukapepa ne mitekelele intu akanshiwe mu ma sukulu, kabili ukwisa ba uwafye, kashimikila wa mu musebo, ena aali uwafulungana. Atile, “Na sanguka iciwelewele.”

<sup>56</sup> Kabili abantu batontonkenye ukuti alipena, tali umutuntulu. Aebele Festusi ukutilla, “Ine nsha pena.” Ena aishibefye Shikulu. Lelo ukwishiba Shikulu mwi bumba lya ba kapepa . . .

Nde subila ukuti tamwacipuse ici. Ukwishiba Yesu, buno bushiku, pe bumba lya ba kapepa, iwe uli uwafulungana. Ici taca cinja. Ine kuti nakokolapo pali ici, lelo Nde—Nde fwaya ukwangufyanya icakuti kube ukupepelako abantu.

<sup>57</sup> Martin Luther, umuce ummcece shimapepo waci Geleman, alelonga ulukalista ubushiku bumo, aishile luposa panshi pantampulo, nokutilla, “Uyu te mubili wakwa Yesu Kristu. Uyu mukate uwapangwafye kunuma kulya.” Kabili asosele, ukuti, “Abalungami bakekalila ku cicetekelo.” Ena aali uwafulungana, kwi chalichi caba Katolika. Bena nga balimwipallepo pali cilya, lelo, ena aali uwafulungana, kabili bena bamulekelelye ukuba eka. Lelo, aishileba uwa fulungana, kuli ilya nkulo.

<sup>58</sup> Yohane Wesley, munshiku sha ora ikalamba ya misango yabipa ku England. Ilyo, nga ukupuputulwa kwa bena Wesley akubula kwisa nokubako . . . Icalo conse cali ica onaulwa, imisango iya bipa konse konse. Kabili ichalichi ca Anglicani balifikile ukutali icine cine mpka takwali ukupuputulwa nakumbi; wekutontokanya kwa cina Calvin we! Kabili Yohane Wesley aishile monekela, ne—ne cebo ca shilishiwa, ukuwamya abamisango ya bipa. Ena aali uwa fulungana.

<sup>59</sup> Mukwambula Mista Wesley, umuku umo, mwi buuku lyakwe. Ena aleisa pa ka shila, kabili umo umwaume uwa chalichi ya England . . . Bena bonse baletontokanya ukuti ena ali pena, eico ena aiminine mu ka shila. Mista Wesley aali umuntu uwamubili uunono. Uyu umukalamba umutulushi umwaume atontonkenye ukuti kuti amutoba ulupi ukumunya panshi, eico ena aiminine mu ka shila. Mista Wesley aendele ukufika palya kabili atile, “Njeleleniko, mukwai, bushe kuti mwaselako munshila? Ine ndi uwa pamfiwa.”

Kabili ichalichi ca Anglican ca sosele kuli ena, “Ine nshi seelako munshila iciwelewele.”

<sup>60</sup> Mista Wesley aishile bweshako akasote kakwe no mucinshi, ukwisa enda amushinguluka; atile, “Ine lyonse ndacita ico.” Eico, mwa mona, ena ulya ewali uwa fulungana; umo aali uwa kwa Kristu; umo nao umbi aali uwe chalichi.

Eico, kuli umo waliba uwa fulungana, nomba.

<sup>61</sup> Ilyo ba Pentecosti baishile monekela, amakumi yasano imyaka yapitapo, bena batile, “Balya abantu balipena!” Bena bali abafulungana, ico nacilungama, pantu bena basushishe yonse yalya amafisa kanwa ayali mu nkulo sha ma chalichi pali ilyo nshita ilyo bena baishilemonekela.

Lelo finshi ba Pentecosti bacita? Baile ukubwekelamo mu ma lushi ayo bena bafuminemo, ukubwekela kumafisa kanwa ya mu filonganino. Bushe na mwishiba? Iyi ninshita ya wa fulungana naumbi. Ee. Ninshita ya umbi nao. Ico nacilungama.

<sup>62</sup> Lolesheni, i nati, ilyo takulaba inati, kuba icela ica kubikako inati lilya. Kabili lilya inati balikakila ku cela; nga tabacitile ifyo ninshi lyafilwa ukulinga. Lolesheni. Bonse abakakilwe, munshiku shakwa—shakwa Noah, bakakilwe ku Mbila nsuma; Noah, uwali inati, abatintilwe mu bwato. Cilifye pafyo amashinga yobe yali, neco iwe wakakwako. Nga wa kakwa ku calo, bena bakakutinta. Nga waliba uwakakwa ku Cebo, Cena cikakutinta. Cena caba na kuntu wakakwako, inati ilyo iwe ukakonka.

<sup>63</sup> Lelo Noah, ukuba uwafulungana ne Cebo cakwa Lesa, uwafulungana mu nkulo ya bu scienci kabili ku nkulo ya bukapapa iyo intu aleikalamo, ena aba tintile, abo ukuti benga pusuka, ukwingila mu bwato. Amen. Abo abalingilwe kabela, icela ico capangilwe libe inati talilabako. Icela cifwile cakakwa kwi nati.

<sup>64</sup> Eico, Satana, alikwata ifyela na ma nati, pamo, ifyela na ma nati ya bufumu wa muno calo.

Farao alifye uwa fulungana kwati ni Noah, nangu kuli Mose, nga fintu Mose aali kuli Farao. Farao, ne mingalato yakwe iya bu scienci, ali tintile icalo kumwine eka. Noah, pakuba uwafulungana uwakwa Lesa, atintile ichalichi ku calo ca bulayo. Cilifye uko iwe wakakwako. Ena atintile ichalichi ukufuma ku Egypto; nga fintu Noah atintile ichalichi ukufuma pa calo, ukuya mu bwato. Mose atintile ichalichi ukufuma ku Egypto, ku calo cabulayo icakwa Lesa.

<sup>65</sup> Yesu atile. Nomba mube aba lola, pantu aya ama nati ne fyela filemoneka fyonse ifya palana. Loleshenifye amashinga. Mateo 24:24, Ena atile, “Cena kuti cabeleleka Abasalwa kwempe.”

Nomba, abena—abena America kabili ne filonganino fya mwi sonde lyonse filefwaya uwafulungana.

<sup>66</sup> Ba Methodisti, ba Baptisti, ba Presbyterian, bena bonse balisalangana kunse muli *ici*, *cilya*, kabili no kulwa konse.

Kabili, nangu cibe ifyo, fyena fyonse fyakakilwa pamo ku cela cimo cine. Eico Lesa ali bapela icakukakako, kabili nokuba tumina bena inati, Icisaka ca Machalichi ye Sonde. Cena cili nokuba tintila capamo. Ico nacilungama. Cena mu cituntulu cili nokucitika. Cili nokubatintila capamo, Icisaka ce Sonde.

<sup>67</sup> Na mwishiba, cena cacitike, pano tapapitile ne nshita... Tekuti kube nangu cimo ukucitika, icalenga, ukwabula umulandu. Abanakashi balefwaya ukufula ifya kufwala fyabo. Ba lefwaya ukufwala utuputula. Lelo balefwaya ukutwalilila ukuba aba mu chalichi. Ba lefwaya ukufwala utu utuputula twa kusambilamo, nangu fyonse ifyo benga twita utu tuntu. Ba lefwaya ukucita ico, kabili nokufwaya ukuba mu chalichi; ba lefwaya ukubilikisha, ukupunda, kabili no kushana; ukupepa, uko kwena ekupepa.

<sup>68</sup> Nomba, ngacakuti Ninkwata inshita, nga Na cishininkisha kuli imwe. Cena ico kupepa iciwa, ukula shana mu musango ngefyo kabili no kucita ifyo fintu. Kuti Na cishininkisha kuli imwe, mu mpanga shaba senshi. Bena balefwaya ukupepa, kabili nokusungilila ubunte bwabo kabili nokuba mu chalichi. Eico Lesa abapele bena umu uwafulungana, babili nangu batatu bena; umu uweshina Elvis Presley; umu, Pat Boone, na Ernie Ford; kuti baimba inyimbo shakulumbanya kabili ne fintu fimbi fyena, kabili noku twalilila ukulanda ukuti bena Kristu. Cena kufulunga. Cena tacabilwa ku Cebo. Cisuma.

Nomba, Na cilanda ukuti na lapwisha muli citika wa ora, kabili yena yafika. Lelo, kutikeni.

<sup>69</sup> Isonde lilefwaya uwafulungana. Ciwa afwile amona ukuti bena bacikwata. Bena kale balibilwa kuli cena.

Lelo, ilyo isonde lilebilwa ku cafulungana, kuliko abantu abetwa bana Bwinga. Cena calibilwa, pamo. Nga fintu mukushininkisha Ine njimine pano, Lesa ali nokubatamina uwafulungana uyo ukatinta na Bwinga ukumufumya muli ici cimfulunganya, ukumutwala Mukubapo kwa kwa Lesa. Cena cili nokuba i nati lyakakwa ne-Cebo.

<sup>70</sup> Kasusha, inshiku shinono sha pitapo, atile kuli ine, kwisamba ku Tucson. Ena atile, “Nawishiba, abantu bamo bakupanga iwe ukuba uwafulungana, kabili bambi bakupanga iwe ukuba lesa.”

Ine natile, “Ukuba, ico kwati cilifye ica lungama.” Ine nali ishiba ukuti ena alefwaya ukunsusha. Mwamona?

<sup>71</sup> Ena atile, “Abantu batontonkanya ukuti iwe uli lesa.”

<sup>72</sup> Ine natile, “Ukuba, fye...” Ine nalishiba ukuti abantu taba cita ico. Lelo Na—Na lishibe ukuti takutulwike ici, pantu ali kumbali imbi ya nkanda, mwamona. Eico Na lishibe ukuti ena taishibe, tacishibe ici. Eico Natile, “Uko takuli ukutali ukufuma ku Cebo cakwa Lesa. Bushe cili ifi?”

Mwamona, lekenifye ena—lekenifye ena eshibe ukuti ifwe tatwa luba. Twa lishiba apo twaiminina. Twa lishiba imibele ya matanga twa bika, kabili imibele ya mwela iyo yale yapupa. Na twishiba amashinga yesu ifyo yena yaba, kabili nefyo inati lyesu lyaba. Kabili twalishiba nefyo twaiminina.

Natiile, “Cena ico tacapusanako ku Cebo cakwa Lesa, apakalamba. Te ifyo?” Natiile, “Ibukisheni, lintu Lesa aletuma Mose kulya ku bana bakwa Israeli, Lesa apangile Mose lesa, cena ico nacilungama; kabili nokupanga, pamo, Aaron munyina wakwe, kasesema. Cena ico nacilungama. ‘Bonse ba kasesema,’ Yesu atiile, ‘bali ba lesa.’ Bena baali ba lesa; abantu.” Ico nacilungama. Lesa acipilibwila cena muli iyo ine inshila.

<sup>73</sup> Kutikeni, i Cebo cintu tushimikila kabili ne cebo cintu Na cilanda mulucelo, “Lesa ukufisama ku numa ya mpapa, impapa shatunama tu badger, Lesa ukufisama ku numa ya mpapa ya muntu.” Mwamona? Cena ico efyo Ena acitile. Lintu Lesa aisokolwele mu calo, Aali nafisama ku numa yacifimbo, ku numa ya nkanda ya Muntu uwaleitwa Yesu. Aali uwafimbwa kabili nokufisama ku numa ya nkanda ya muntu uwaleitwa Mose, kabili bali ba lesa, te ba Lesa; lelo bena bali Lesa, Lesa umo, ukula cinjafye icifimbo Cakwe, ukulacita icintu cimo cine inshita imo ine, ukuleta ici Cebo. Mwamona, Lesa acipangile cena muli iyo nshila. Ena ali shiba ukuti umutu afwile amonapo icintu cimo; ico icabamo muli cila muntu ifwe bonse fweba fyalwa muli lino isonde.

<sup>74</sup> Nga fintu nacila mweba imwe mu lucelo, takwali nangu umo uwa kabile ukukonka Moses mulya. Lesa tatalile abomba pamo na bantu babili. Ena abomba na umo, lyonse. Takwali nangu umo uwaku pashanya Mose. Cali ni mfwa, imfwa ya cifyalilwa, ukwasha uku mupashanya, ukuya muli ilya Ntumba ya Mulilo pamo na ena. Eico abantu tabapangwa bonse. . . Imwe ta mwa fyalwa muli ilya nshila, ukufuma muli cilya ica maka yacilamo.

Lelo Lesa abikile bamo pe sonde uku Mwiminako, nge nkombe ukufuma kuli Ena. Kabili ilya nkombe ilalashikwa, kuli Lesa, ukuya mu cikalamba ici shaishibikwa icamaka yacilamo, kabili nokulingulula, kabili nokuleta ifintu ifyo amano yacifyalilwa teti yeluke yena. Cileta icankama cakwa Lesa, ukulalandila libela ifintu ifyo fili, kabili ne fintu ifyo ifyabako, kabili ne fintu ifili nokubako. Cintu nshi cena? Lesa, Lesa kunuma ya mpapa, inkanda ya muntu. Icalungama bwino bwino.

<sup>75</sup> Sam Connelly ekala mu Tucson. Aishile pano umuku umo, imyaka iingi yapitapo, pamo na Mista Kidd, kabili alyundepwe; aali ne filonda mu mala pa nshita ntali. Lintu Na ile kulya ubushiku bwa fumineko, Sam aali ne—ne libwe ilyo ulya uwakanshiwa waibela kulya, mu—mu Tucson, apimine. Lyena lyali ilikalamba nge libwe iyakosa. Munyina Sam Connelly. . .



Mwe bengi kuno mwa limwishiba; afuma ku Ohio. Kabili aile kuli dokota, kabili ena atiile, “Sam, uipekanye we mwine umulungu ukakonkapo; Ndi nokulifumya ilyo ilibwe kunse,” inshiku shibili ukufuma palya nomba.

Atile, “Bushe kuti Na lifumya ilibwe, dokota?”

Ena atiile, “Cena teti cicitike. Ilibwe likulu nganshi.”

<sup>76</sup> Eico ena amubikile muli motoka no kumutwala ku ng’anda. Kabili atumine lanya; atiile, “Nde fwaya wise nokwisa mpepelako, Munyina Branham.” Mulandu nshi antumine ku fya ifyo? Kabili Na tampile uku mupepelako.

<sup>77</sup> Natile, “Sam, ici ni EFYA SOSA SHIKULU, ilibwe lili nokupita pa lwaiko.”

<sup>78</sup> Kabili ubushiku bwakonkelepo ulucelo ena asendele ilibwe noku twala kuli dokota. Kabili ena atiile, dokota atiile, “Mista Connelly, Ine nimfilwa ukwishiba ifyo cena ca citike.”

<sup>79</sup> Kabili atiile, “Na licetekela muli Lesa, kabili Lesa ewamfumisheko lilya ilibwe, alifumishe lyena muli ine.” Umuntu ulya calimukosele uku cicetekela, ulya dokota. Tapali nangu pamo kuli ena apa kubika icakucetekela pe pwalonda likalamba filya ukufuma kulubali lumo ulwa mukashi wandi. Na mwishiba palwa ico, mwamona. Eico ena atiile. . .

<sup>80</sup> Mupepi ne myeshi mutanda iyapitilepo, ico icali mupepi naitatu. . . mupepi ne milungu ibili iyapitapo, nangu imilungu itatu iyapitapo, Sam Connelly alipuminwe no bulwele ubwabipa ubwa mibele ya mutima. Kabili Ine ne shina, ukufwasa kwa mulopa, nangu icintu icili nge cifyanteme ku mutima, nangu conse ifyo conse ifyo cena cili. Cena cabusanso ubukalamba. . . Cena tekuti. . . Iwe teti upole kuli cena, bena efyo balanda. Ukusanswa kwa mutima, kabili no mutima wakwe ukufwasa. Kabili ne filundwa fyakwe ukufimba mpaka inkolokoso sha kula ukucila ukulu kwakwe, ukuninika pa mulu ukufika pa lutungu lwakwe. Eico bamutwele kulya kuli dokota. Dokota atiile, “Mutwaleni ena ku ng’anda, ukwabula uku musunkanya, nangu ku chipatala.”

Sam atiile, “Nshi lefwaya ukuya ku chipatala!”

Atiile, “Mutwaleni ku ng’anda kabili nokumubika mubusanshi, kabili tamufwile ukumusesha umutwe, ukuboko, nangu ulukasa, pa myeshi mutanda.” Atiile, “Iwe kuti wafwa pa nshita yonse.”

<sup>81</sup> Kabili Munyina Norman atwitile. Kabili twaile kulya bulya bwine ubushiku, mukuya mona Munyina Sam. Kabili lintu ifwe twamupepeleko, kabili na Shikulu alandile.

Kabili ubushiku bwakonkelepo ulucelo, Sam aile kulya kwi ofishi lyakwa dokota, napeta ne toloshi mu mulu, aiminine ku cinsu cakwa dokota, kabili nokutiila, “Lolesha pali ine, dokota!”

Kabili dokota amubikile pe samba lya mashini wa mitima iyamalaiti, kabili atiile, “Ine nafilwa uku cumfwikisha.” Atiile, “Bwelelamo muku bomba incito.” Atiile, “Ci chalichi nshi ico iwe wabako?”

Atiile, “Ine nshaba nangu kuli cimo pali ifyo.”

<sup>82</sup> Atiile “Iwe teti ube umwina Kristu ukwabula ukuba mu filonganino. Ufwile ukuba.” Mwamona, ifyo efyo dokota aishibe. Sam aali uwafulungana, kuli ena. Kabili na ena aali uwafulungana, kuli Sam, ukupitila mukwipusha ili lipusho lyaba ngefyo.

Nomba cinshi cacitike? Sam aishile palya, kabili ena atiile, “Cinshi ico Ine nale eba onse uwalanjeba ifintu fya musangoyo, Muniyina Branham?”

<sup>83</sup> “Ubebe ukuti ‘waba kuli cimo kabili i Chalichi cimofye mpo.’ Iwe te kwampana na Cena. Cena te cilonganino. Iwe wafyalwa muli Cena.”

<sup>84</sup> Namayo munono, mupepi ne myeshi mutanda iyapitapo, ashintilile pa cifuba cakwa Nkashi Norma. Ine nindaba ishina lyakwe, umwanakashi munono uwaemba nganshi mupepi ne myaka amakumi yatatu iyakufyalwa. Ena nomulume wakwe balilekene, kabili ena alilwele ipwa londa lya ku mulopa. Kabili aali mu mibele ya musangoyo icakuti alefilwa nokwenda konse. Kabili mukushalikisha cena calibipishe mpaka ba dokota ba mubikile mubusanshi. Kabili ba dokota ku mutandalilafye nge nshita yafika. Ba mupele ukufika pali Citatu mu mulungu wakonkapo. Ena nga alifwile pali Citatu pene. Kabili Misisi Norman mu nshila imo amubulile ukumufumya mu busanshi, kabili nokumuleta uko twali, kabili amwikatilile mu mupando. Kabili nga filya fine uyu umunono cibusa aikele mulya, alekontamina ku numa na kuntanshi kabili uwafitulukila icine cine ena mukumoneka; uwamutuntula pankanda ponse, ukufuma kwipwa londa, lya mu mulopa.

Natile, “Cisuma, Ine kuti nakupepelako, nkashi.”

Kabili ale esha ukulanda, ne filamba mu menso yakwe, atiile. . .

Na—Natile, “Uli mwina Kristu iwe?”

Atile, “Ndi Methodisti.”

Natile, “Ine—Ine nkwapwisha ngakuti uuli mwina Kristu.”

Kabili ena atiile, “Iwe ulepilibula ukuba umwina Kristu wa mu chalichi?”

<sup>85</sup> Natile, “Iyo, maayo. Ine ndepilibula, walifyalwa ku Mupashi wakwa Lesa, kabili nokutemwa Shikulu Yesu?”

Atiile, “Ukuba, Ine lyonse naba uwa mu chalichi.”

<sup>86</sup> Natile, “Nga cakuti Lesa aleka iwe ukuba no mweo, ulendaya ukuti uuli nokubwela kuli ine nokuleka ine

ukukulanga inshila yakwa Shikulu pa mbilibili bwino ukucilapo?"

Atiile, "Ine nalaya Lesa icili conse, nga cakuti Asungilila umweo wandi. Ine ndi noku Mubombela."

<sup>87</sup> Palya pene ici monwa caishile, natiile, "EFYA SOSA SHIKULU. Wipekanya; lepaula ifintu fyonse ifya mfwa yobe, ubushiku bukakonkapo pa bwa mailo." Ico cali nipali Cimo, kabili ena aali no kufwa pali Citatu. "Iwe tauli no kufwa."

Umulungu wafumineko, umulungu umu ukufuma pa Mulungu uno, Na ikele pamo nao mu muputule. Ali lundako ama paundi ayacipesha mano; dokota atiile tamulimo nangu cimo icilemoneka ica pwelonda ica sangilwe monse. Kabili alefwaya ukwishiba; kabili Na mutumine kulya ukuti aye abatishiwe mwi Shina yakwa Yesu Kristu, mumufolo uwaku tapilishishamo, inshila yakwa Shikulu. Limbi kuti yaba iya fulungana, lelo, "Ine nga nasumbulwa pa muulu, Ine ndi nokuleta bonse kuli Ine."

<sup>88</sup> Ine natandalile, ukufika naku mulumendo walepanga ama tepu pano, Leo Mercier. Ena alikwata incende yakubikapo ing'anda sha mawilo. Kabili Na lepepelako abantu bamo. Kabili Na pepeleko na mayo munono ishina yakwe lyali ni Lokar, Ni ncetekela efyo lyena lyali. Kabili ena balimubombele imiku ikumi limo na ine iyepwa londa, naba dokota ba mwene ukuti aali no kufwa. Kabili twamupepeleko, no ku mweba ukuti tali no kufwa, lelo ukuti ali nokuba no mweo. Kabili tapaba napaku lisanga apali ponse. Kabili pamulandu wa ico, amakumi yabili na cine konse konse balupwa bakwe baliminine palya, abapusuka kabili abaisushiwamo no Mupashi wa Mushilo. Limbi kuti waba uwafulungana, lelo wena uleleta abantu bonse kuli Ena, abo abali nokwisa. Cena caba icatungwa pamo ne Cebo. Mwa mona ico Nde pilibula?

<sup>89</sup> Ninkwata inkalata iya ishile, ilyo ubushiku bwa mailo bwafumineko tabula fika, ili mulya mwine muli faelo. Munshita ifimuti fipulula amabula, lintu nali pa bulendo bwakuya mukulunga...nangu, lintu amenshi makasa yasunguluka na mabula yapy ya tampa ukutumba ku fimuti, cena cali no mwaka umu naupitapo. Umulumendo mwenye uwe shina Iya Oscar, uyo untu tulunga pamo nankwe mu cimusebo icikalamba kulya; kulya eko Malaika wakwa Shikulu, Na mwebelepo, kuno kwine, uko aletele insansala kabili—kabili na cibuli uwaba naka silfere-pa muulu. Imwe bonse muleibukisha ico cena. Nomba ulya mulumendo, lintu Ine naingile mu...Ena nao aingile mwi tenti, munshita yapita iya fimuti ukutumba amabula. Kabili elintu Bud anjipwishe ine ukupepa, (ena afulile amakalapushi yakwe; ena afwala pakwenda pali ba kabalwe), ena afwele amakalapushi kabili aali uwaipekanya ukufuma nokuya. Ena aali ni Katolika. Ena takwete nangu cimo icakucita pamo Neco.

<sup>90</sup> Inshita yakushalikisha iyakupulula kwa mabula ku fimuti, lintu ena, aiminine kulubali lwandi. . . Lintu abafyashi bakwe abanakashi bali kulya, balefwa no bulwele bwa mutima ukufilwa ukubomba, atiile, “Bushe teti ubwele kabili noku bapepelako?” Na bwelelemo mu kayanda akanono aka ba Mwenye kulya. Kabili kulya, bonse pamo balongene ukushinguluka aba ba mayo, kabili bena balefwa, balefilwa ukulanda ishiwi mu Cisungu. Kabili na Mupashi wa Mushilo aikile panshi no kweba ba nyina, ukupitila muli kapilibula, umwana wakwe umwanakashi, pali ifyo ifyacitike, ico icali. No kumwita mwi shina lyakwe, kabili nokumweba fintu aali, kabili nomukowa wakwe kuntu afumine, kabili nefyo icintu cifwile ukucitika. Kabili nyina palya pene alyundepwe.

<sup>91</sup> Kabili ulucelo lwa konkelepo lintu Na bwelelemo mukuba mona, ilyo Na ensheshe ndefuma, ukwenda ba mailoshi amakumi yane ukubwelela mukusenda impaanga, kulya bena bonse balikele palya, ena ae. . . alenina na pali kabalwe ukubwelelamu muku kanga inama yansansala. Kabili Natiile, “Mu bushiku bwa mailo lintu Napepele, Natiile, ‘Mwe Taata Mwebaba mu Muulu.’” Natile, “Louise, Ine—Ine. . . Cali lipepo lya ku Katolika. Imwe bonse mwatampile, kabili nomba, ifyo fine, Na limishile imwe.” Kabili Natiile, “Nomba Nde totelafye Lesa. Ifwe tatusosa amapepo; ifwe tupepafye.”

<sup>92</sup> Ena atiile, “Ifwe twalifumamo muli bu Katolika.” Atiile, “Ifwe twacetekela nga fintu naiwe wa cetekela. Ifwe tulefwaya ututwale bonse noku tubatishiwa mu musango iwe ubatishishamo. Tu lefwaya Mupashi wa Mushilo.”

<sup>93</sup> Mubulendo pa kubwela. . . Umulumendo alufishe ba kabalwe bakwe, imyeshi ku numako kulya lintu cilya tacila citika, afililwe ukuti abamone bena. Kabili naka tungulula alemukalipila, atiile, “Oscar, iwe walishibe bwino ukucila ukusha ba kabalwe nga filya. Fi cibuli, ifingi ifya buta panuma ficibuli, kuti fyalibalya bakabalwe pali ino nshita.”

Kabili atwalilile ukwiminina mu pepi na ine. Kabili atiile, munshita imo iya bushiku, atiile, “Nkwipusheko icintu cimo?”

Ine natiile “Ee.”

Atiile, “Munyina Branham, pepa Lesa. Lesa ampele tukabalwe twandi tubwele.”

Ine natiile, “Bud atiile ifibuli fyalituya twena tonse.”

Atiile, “Munyina Branham, ipusha Lesa. Lesa pela Oscar tukabalwe twakwe tubwelele kuli ena.”

Natiile, “Na ucetekela ico, Oscar?”

Atiile, “Ni ncketekela. Lesa ewalengele ba mayo bapole. Lesa alikwebele ukwali ba cibuli balya, ukwali inama shilya. Uyu Lesa, uwaishibe ukwali inama, naishiba ukuli bakabalwe bandi.” Wamona?

94 Papitile umwaka umo, ninshi naiminine palya na Fred Sothmann, uyo uuli pano muno bushiku, Billy Paul, umwana wandi umwaume. Mupashi wa Mushilo aikile panshi. Natiile, “Oscar, walasanga tukabalwe tobe. Twena tuleiminina mu mfula yabuta.”

Apo epali kalata, eyo ena anembele umulungu wafumako, kabili Na ipokelele pali Cisano, ukwisa kuno. Yena ilambalele mulya muli failo nomba. “Munyina Branham, Oscar asangile bakabalwe nabeminina mu mfula yabuta.”

95 Ifyo bena baikele tapali nangu umo uwishibe. Kulya, umulumendo. . . Pali ino nshita ya mwaka, Mukapepo kakalamba, ninshi kuli imfula ya buta iyingi kulya iyakuti ikwete amakumi yabili nangu yatatu ama fuutu ya mfula yabuta ukubashinguluka. Bena baikele shani kulya ukupita mu mpepo ya menshi makasa, muli uyu mukonko wakamana kashika? Oscar afikile kuli bena, nafwala insapato sha mfula yabuta, lelo, kwena, ena teti afwike tukabalwe twakwe insapato shamfula yabuta. Lelo nangu cibe ifyo ena ali basangile, umwabela i Cebo cakwa Shikulu. Cena kuti caumfwika ngo kufulungana; ufwile wa cicetekela fye pa nshita imo! Ukulingana nefyo iwe batonge bengaba.

96 Nomba, cena teti cibilwe pamo ne cilonganino. Cena cili nokutungwa pamo ne Cebo. Lelo kwaliba abantu mwisonde abo abacetekela ico i Cebo! Cena cili nakusenda uyo uwafulungana nokupomba uyo Nabwinga ukufumya pano, uwa bilwa, pantu Nabwinga na Shibwinga baba umo. Kabili na Lesa aba umo, kabili i Cebo ni Lesa! Cena cifwile ukuba ica tungwa pamo ne Cebo, kabili Cena cili nokutinta Nabwinga ukumufumya muli ifi filonganino.

97 Ee, ena alefwaya ansushe. Na mwishiba, cena canjibukisha pafyo nacilandapo, mulucelo lwalelo, Lesa ukufisama ku numa ya nkanda, inkanda ya muntu.

98 Ilyashi ilinono, kabili nomba Na laisalila; munjeleleko pakuti Na musunga pano ukupalamina kuma miniti amakumi yane-nayasono nomba. Kwalibako ing’anda, ng’anda yabena Kristu, kabili kwaliko kulya i. . . Na ebele uyo ka pumya. Kabili muli iyi nga’anda mwalimo mulya. . . Bena bacetekele muli Lesa. Ba kwete umunono umulumendo kulya, lelo ena aali no mwenso wa kutwala kukufwa umutombo palwa cimwela cikalamba icamfula. Ukubyasha, oh, aali fye uwa mwenso no kutina ukufika ku kufwa umutombo. Ena kuti abutukila mwisamba lyama tebulo, konse konse, lintu cena cabyasha.

Eico ubushiku bumo kwena kwaishile icimwela icikalamba icamfula palya pe baala, kabili epo baleikala, kabili ifimuti fyale pupa, kabili ukubyasha kwa mwele ya mfula, inshita yalipwile mubushiku. Nyina atiile kuli Munono, atiile, “Nomba, iwe Munono, nina ukunina amashitepu ukuya pa muulu kabili

kalale pa busanshi.” Atiile, “Nomba, witina. Nina kabiye pamuulu palya.”

<sup>99</sup> Eico umwaice Munono, pamo ne fyakufwala fyakusendaminamo nafwala, aninine ama shitepu, alelolesha ku numa, mupepi no kulila. Alambaleleko panshi, aeseshe ukulalako, afimbana na ku mutwe. Afililwe ukulala; kulya ukubyata kwa mwele wamfula ukushinguluka pa nsolokoto. Eico ena atiile, “Oh, mayo,” atiile, “iseni pano no kulala pamo na ine.”

Cisuma, Ena atiile, “Munono, takuli nangu cimo icifwile ukukusakamika. Uko ukubyata teti kuku cene.”

Ena atiile, “Lelo, mayo, iseni pano pa muulu nokulala pamo naine.”

<sup>100</sup> Eico nyina aile alenina paama shitepu pa muulu nokuya lambalala pa busanshi, pamo no munono wakwe. Kabili ena atiile, “Munono, we mwana mwaume wandi umwaice, noko alefwaya ukukwebako icintu cimo.” Atiile, “Munono, ifwe tuli lupwa lwa bwina Kristu. Twa cetekela muli Lesa, kabili twacetekela ukutula Lesa alatucingilila ku mfula yacipupu. Twali cetekela ico. Kabili twacetekela ukutula Lesa alaskamana ukusunga Abakwe.” Kabili atiile, “Nde fwaya iwe ucetekele ico, Munono. Ukutula, taufwile ukumfwa umwenso. Lesa aali pamo naifwe, kabili Ale tucingilila.”

<sup>101</sup> Umunono ashinshimukilako inshita inono. Ena atiile, “Mayo, Ni ncetekela ico, pamo.” Atiile, “Lelo lintu kulya ukubyata kwaisa ukwapalamina pa nsolokoto, Nde fwaya ukupampata Lesa uyo uwakwata inkanda pali Ena.”

Eico Nde tontonkanya ukuti ifwe fwe bengi abakalamba tufwile ukutontonkanya icintu cimo cine. Lesa, uwakwata inkanda pali Ena! [Pali tapu tapali—Kale.] Lesa, ne nkanda pali Cena! Cena kuti caumfwika ngo fulungana, kwi sonde, lelo cena cileleta abantu bonse kuli Ena.

Natupepe.

<sup>102</sup> Taata mwebaba mu Muulu, nga fintu amalyashi yano aya—aya fintu tupitamo, kabili inshita shimo shimo yena yacitikila pa mulandu umo. Kabili cena, cibe cileumfwika icabulamo umucinshi nga fintu cena cili, cibe ifwe tule cumfwa mu lulimi cile citikilamo. Eico ifwe tule Mutasha, munshita ino iya bushiku, Shikulu, ukuti—ukuti Lesa kuti aikala Umwine palwakwe muli ifwe. Tuletotela ukutula kwali icikonsolwelo icapangilwe, u Mulopa wa Umo umulungami, Yesu; Uyo uwaba umwisulo wakwa Lesa, umwisulo wa bu Lesa mu mubili, icakuti Ena alambalike panshi umweo Wakwe; tekupokololwa ukufuma kuli Ena, lelo kuku fwaya kwakwe umwine aulambalike panshi wena, ukutula ifwe twingaba abasangalala muli Ena mu mwisulo wa Kubapo Kwakwe, mu bukata bwa Shekinah ubo Ena aikele mo; ukutula imyeo yesu ingaba iya shishiwa pamo naulya

Mulopa, ukutila umukalamba Mupashi wa Mushilo Wena palwa Uko kuti aikala muli ifwe. Kabili ifwe ukuba ba kafundisha, ba kasesema, ne fyaba ngefyo, ku bantu, kuli abo, Shikulu, abali mukukabila; ifya bupe fyakwa Lesa; Lesa Umwine eka palwakwe ukulasokolola, ukubengeshima ukufumya ifikalamba ifya bupe fyakwa Lesa, ku cinso kwa ino nkulo yanomba.

<sup>103</sup> Kabili ne milandile yabulamo umucinshi, Shikulu, iya kuba uwafulungana. Kabili natwishiba, ukutila muli buno bushiku, cena cilasenda inshita ilyo isonde lyaba ilyaiminina pafyo lilefwaya nga fintu i chalichi cili ileelo, ukula ikumbinkanya ku ma chalichi ayapya kabili ne filonganino fipya. Umuntu uwaisa pamo ne Cebo ba mutontonkanya ukuba uwafulungana, umuntu wapena. Nga fintu umutumwa mukalamba Paulo, uyo uwakanshiwe pa mipepele ne ficetekelo, shimapepo, kabili libe ena atiile nasanguka icilewelele, pa mulandu wa bukata bwakwa Lesa. Ena asulile amasambililo yakwe, ukuti abantu bengaba . . . aba kukutika ku mashiwi yapa-muulu ayawamishiwa. Kabili atiile ena teshile pamo na mashiwi aya kuseksha na mano yabantu, ukutila icicetekelo cabo cingaba mu fyaba ifyo. Ifyo i chalichi capilibukila kuli ifyo ileelo, nga fintu ena aseseme, “Panuma yakusendwa kwandi, imimbulu ikesa ingilamo, tayakalekelele umukuni.” Lelo atiile aishile kuli bena, “mu maka na mukusokololwa kwa Mupashi wa Mushilo,” ukutila icicetekelo cabo cingaba muli Lesa. Taata, ena asangwike icilewelele, kwi sonde, pakwishiba Yesu.

<sup>104</sup> Kabili eico efyo naifwe tuli ileelo, Shikulu. Kuli abantu abekele pano abamoneka ku bantu kwati balipena, pantu bena bali iteyanya ukucetekela Lesa pa bundapishi bwabo, pa bwikashi bwabo ubwa Muyayaya. Ukubika ukwishibikwa kwabo ukuba ukwasulwa, pa ku Mu pepa. Ukula Mutotela, ukula Mulumbanya, ukupela ubuntungwa ku mupashi wabo, ukupepa Lesa; bena babamona ukuti balipena. Lelo Mwa sosele, ukuti, “Ubu—ubu welewele bwakwa Lesa,” nga cakutila ifwe tuli fiwelewele, “bwaliba ubwakosesha kabili ubwa mano ukucilapo pa mano ya muntu; pantu umuntu, ukupitila mu mano, taishibe Lesa. Lelo ukupitila mubuwelewele bwa kushimikila, cena casekeshe Lesa uku bapususha abo abenga pusushiwa.” Twa pepa, mwe Lesa, ukutila Kalemba mukalamba uwa ici Cebo alaisa mu nshita ino iya bushiku no kundapa abalwele, no kupususha abaluba. Twa ipushisha ici mwi Shina lwakwa Yesu. Amenii.

<sup>105</sup> Nde pashanya Lesa, pakuti tamuli aba fulunganishiwa mufyo Ine nsosele ileelo; Lesa ni Daimoni mukalamba, uwaba u Muyayaya.

Kabili lintu daimoni yaletwa ukufuma mu mabwe yama kumbi aya mu Africa, Na liyamo mu mikoti noku yamona mu cikalamba . . . ifyo ba yapanga kabili nefyo bafumyamo ama daimoni, ifyo yapita muca kutobaula, kabili nama daimoni

yakalamba aya mulilo wa makumbi makumbi, ama daimoni yafita balafumya. Yena tayakwata imimonekele iya cilapo, ibafye imimonekele imo. Lya bafye ilibwe ilikalamba. Kabili, icine cine, yena tayakwata no mulilo muli yena pali ilya nshita. Yena yabafye daimoni, ilibwe; ilya shingulukwa, ilya wamishiwa bwino, ayengi yena. Lelo iyi daimoni ifwile yaputulwa. Nomba, cena caba kukana konka amafunde ukukana putula limo. Yafwile yaputulwa, kabili ufwile wakwata lishiti apo washitile yena, pantu muli yena mwaliba iminta pendwa yama dola muli yena.

Kabili Ine ndepashanya Lesa kuli ilya daimoni.

<sup>106</sup> Nomba, daimoni ilaputulwa pakutila yena yalangisha ifyo ifyaba mukati kaliko lyena, umulilo uyo waba muli daimoni. Kabili ifwile yaputulwa inono munshila yonse, mu mimonekele inono yonse, mu mpela shitatu. Impela shitatu eshipanga ukumoneka kwa daimoni, kabili ukubika ulubuuto ukulolaku cintu campela-shitatu cili nokulangisha ama langi cine lubali, mwamona, ukupanga ama langi cine lubali.

<sup>107</sup> Kabili nomba moneni, “Lesa alashilwe pa membu shesu, acenemwe pa mampulu yesu.” Mwamona, Ena aputwilwe, acenenwe, ulya Diamoni mukalamba, ukutila ukufuma muli Ena mwingalangishiwa ifya bupe ku Chalichi.

Kabili ici telubuuto; pantu, ulubuuto lufwile lwa bwelela kulya kwine lwafumine, lintu akasuba kafumapo pali ici, ukubwelela kulya lwena lwa putwilwe ukufuma.

Lelo akaputulwa konse akanono ukufuma kulya ukusesula takonaulwa; kena kafwile ukubomfeshiwa bwino. Utwingi pali twena tupangwa mu nyeleti sha Victrola. Kabili isho nyeleti shileta ukufumya, isho isha putulwa ukufuma kuli daimoni, shilenga inyimbo ukulila lintu babika inyeleti kumutwe wacilimba noku bika peseleti.

<sup>108</sup> Kabili ndesubila Ine ukuti imwe mwamona ico Ine ndepilibula. Iciputulwa ukufuma kuli Kristu, icabupe ukufuma kuli Krsitu, ukubikwa pali Baibele, cilalanda ifya fiswa ifya nkama yakwa Lesa ku wacetekela. Ena aleshiba ifyankama ifyaba mu mutima. Ena aleshiba umuntu onse. Bushe imwe namucetekela ico?

Ici te daimoni iya kulanda ukutila, “Imwe mwamona ifyo Ine naba?” Ici cili uko ena afuma. Daimoni iba daimoni pantu ena afuma kuli daimoni.

<sup>109</sup> Kabili uyo emusango ifya bupe fya Mupashi fyaba, ku... ku muntu, cena cili ulubali lwa ilya Diamoni. Yena yalitumwa, kabili no kuletwa ukupita, kabili ukuletwa mu cabupe, ukupilibula, ukushimikila, ukufundisha. Kwaba ifya bupe mu mupashi fisano; abatumwa, bakasesema, ba kafundisha, ba kakumba, baka sabankaya ba mbila nsuma, kabili bonse baba abakukuula u Mubili wakwa Kristu. Kabili ukubafye



icashininkishiwa nga kwaba ba kafundisha, ba kakumba, kufwile kwaba naba kasesema. Ifwe twalishiba cena.

<sup>110</sup> Kabili twacetekela ukuti Lesa afwile asokololwa mu bushiku bwa kulekelesha, pakati ka bantu Bakwe, ku basalwa Imbuto, umwabela Baibele, mu mibele yakwa kasesema. Ico cili bwino bwino fye pamo ne Cebo. Te ici icakutila umuntu ni Lesa, lelo icakutila icabupe ni Lesa. Mwamona? Kabili ico cine e nshindano.

Nomba inyeleti teti ilishe iseleti lilya bwino. Inshindano yakubililako yonse tekuti ilishe ici bwino. Lelo kano ilya daimoni, yena eyawama nganshi. Yena ilafumya ukulila bwino, inshindano ya daimoni-ilya sompa.

<sup>111</sup> Lekeni Lesa, munshita yabushiku. . . Iseleti lyenu ilya mweo, conse ico icingaba icalubana pamo na imwe, conse ico mulekabila ukufuma kuli Lesa, lekeni Kafundisha mukalamba Uyo uwaikatilila inshindano mu kuboko Kwakwe, lekeni Aci bike ici pa mweo wenu kabili noku cisokolola kuli ifwe ico mwishile pano, ico mulefwaya; nomba twalaishiba ukutila Ena Aali pano.

<sup>112</sup> Taata mwebaba mu Muulu, cifikilisheni Imwe ici ilyo Nshi latampa ukupepela abali muli uyu mulongo waba kupepelela, te kwiminina mukucita ici, lelo Imwe mwala cifikilisha ici, ukutila abantu beshibe. Nalimo beni pano abalefwaya uku bapepelako. Nshi beshibe, lelo Na mubeshiba. Kabili Paulo atiile, “Nga cakuti iwe walandila mu ndimi, kabili kwakana ukubako uwakwilula nangu ukupela icikoseleshi, abantu bali nokulanda ukuti iwe walipena. Lelo nga umo asesema kabili no kusokolola icili mu mutima, nomba bena bali nokutila, ‘Icine cine Lesa aali pamo na imwe.’” Lekeni cena cibe nakabili, Lesa, muli ino nshita ipwile. Mwali cilaile, kabili ifyo fine efyo cena cikaba. Mwi Shina lyakwa Yesu Kristu. Amen.

<sup>113</sup> Nomba Nde fwaya ukwishiba ukuti ni banga abalwele pano munshita ino iya bushiku, abo abali pano? Nangu bushe Billy acipela ifitupa fya mapepo. . . ? Bushe ifitupa fya mapepo na fi pelwa? [Aba bwananyina batiila, “Ee.”—Kale.] Epo fili. Ukuba, Nde mona umuntu onse umulwele nakwata icitupa ca mapepo, lelo Nshi shibe ifyo mulembele pali fyena. Nde tontonkanya amipelefyefye ifitupa; imwe lembeni ifyo mulefwaya pali fyena. Ifyo efyo cili? Mweba poka ifitupa nombaline; lembenipo conse ico mulefwaya.

<sup>114</sup> Nsha mishiba. Nibanga muno abaishiba ico ukutila Nsha mishiba, libe imwe namulwala, kabili naiwe ulelanda ifi, “Ifyo Na umfwa ulelanda ilelo, ‘Lesa kunuma ya nkanda. Lesa kunuma ya nkanda ya muntu, palwakwe Umwine ukuifimba’”? Lelo nga cakuti naukwata amenso yaku mupashi, kuti walolesha no ku Mumona, ukuti winga mona Untu Ena aba. Kabili wacetekela ico. Yesu atiile, “Ena uyo wacetekela muli Ine

imilimo iyo Ine ncita na ena aali no kucita; ukucila na pali ifi ena aali nokucita, pantu Ine ndeya kuli Taata.” Nomba, nga cakuti wacetekela no mutima obe onse!

<sup>115</sup> Nibanga muno abo aba lefwaya, kabili nokwishiba ukuti Nsha mishiba imwe, abeshibe icilubene na imwe? Imyeniko amaboko yenu, mulande ukuti, “Ni ndwala. Ni nkwatera icakukabila.” Nibanga bakwete ukukabila mukati ka mitima yabo, abashilwele, lelo nabakwata ifya kukabila? Na mwishiba cinshi . . . Nacilungama. Tapali nangu umo, unutu Ine namona, lelo abemisheko amaboko yabo. Nomba, Nshi shibe . . .

<sup>116</sup> Na limwishiba uyu muntu ekele pano. Ndi uwashininkisha ukuti ulya ni Munyina James, kabili Nde tontonkanya ukuti ulya ni Nkashi James. Munyina Ben, Ni njishiba. Ifinso fyenu fye, inshita shimo shimo; munyina ulekopa ifikope. Lelo . . .

Lekeni umo uko kunuma, konse konse, abefye . . . Na—Na—Na becanya neci, pa bwiminishi, kabili na mukwisalila kwa iyi Mbila.

<sup>117</sup> Bushe mwalishiba ukuti Lesa alaile ifi ukutila fikacitika mu nshiku shakulekelesha? Ena apangile ubulayo. Mwamona? Nomba Ine teti ncilenge cena ukucitika. Mwamona, Ine—Ine teti ncite ico. Ena afwile ukucita ico. Ena e Umo Uyo ucita ici; te ine. Lelo Na cetekela muli Ena, nangula Ine teti njiminine pano ukula mweba ifintu fimo ifyo Nsha cetekelamo. Nomba, pepeni, kabili tileni, “Shikulu Yesu, Ine nali fundishiwa muli Baibele ukuti Imwe muli Shimapepo Mukalamba pali ino ine nshita, uyo untu twingekata ne fya kumfwa fya bunasha bwesu.” Nshiile sakamana pantu uli. Kabili iwe landafye ukutila, “Na Mucetekela. Kabili, ukupitila mu cicetekelo, Na cetekela muli cilya ulya muntu alanda ileelo.”

<sup>118</sup> Ifyo efyo Malaika acinjeba, “Leka abantu baku cetekele.” Kabili nga Na sosa i Cebo cakwa Lesa, cena te “kucetekela ine,” cena “kucetekela i Cebo.”

Nga cakuti tacili pamo ne Cebo, nomba taufwile uku cicetekela. Lelo nga cakuti wa cetekela ukuti e Cebo, nomba, conse fintu cili, iwe kupepa noku cetekela, kabili nokumona nga cakuti Ena kuti asokolola ifili mu mutima obe.

<sup>119</sup> Kabili umuntu onse alishiba ukuti Baibele yalanda ukutila, “I Cebo cakwa Lesa calitwa ukucila ulupanga ulwatwila kubili-kubili, kabili no kulingulula amatontonkanyo kabili nefyaba mukati ka mutima.”

Ifyo efyo Abrahamu aishibe ukuti wena ulya aali ni Lesa, lintu Aebele Sarah ifyo alelanda ku numa ye tenti, ifyo ena aletontonkanyapo; lintu Atiile, “Ndi noku kutandalila,” kabili Sarah atontonkeye mu mutima wakwe ukuti, “Ici teti cibe ifyo.”

<sup>120</sup> Nomba, Na cilanda ukuti Aali pano kuku kundapa. Cinshi ico uletontonkanya pali ici? Nga cakuti kuti wacetekelafye!

Nomba, Ine teti, Nshi kwete inshila imbi iyaibela; Taata wa mu Muulu naishiba ico. Mwamona? Ine mfwilefye na cimona cena. Kabili ico Na mona, Nda sosa; kabili Ine—Ine ico nshimwene, icine cine, Ine teti ncisose. Lelo Ena acilifye Lesa! Bushe ico kuti cakusha icicetekelo cenu, nga cakuti Ena kuti acicita ici?

Ukushimikila muli uyo musango, ici camusango wakuti catala ca mposa ukumfumyako panono. Lelo Ena ali pano. Ndi uwaibukila palwa ico.

<sup>121</sup> Ukulolesha umwaume nga fintu akontamike umutwe, kunuma kuno *pano*. Umukashi wakwe naikala na ena, alepepa, nao. Apapene *pano*. Naukwata icintu cimo pa mutima obe. Umukashi obe, alepepa. Naukwata icisendo pa mutima obe. Ici cili palwa kwa noko-fyala. Ico nacilungama. Na ucetekela ukuti Lesa kuti anjeba icilubene kuli noko-fyala? Nshi kwishibe. Ifwe tuli beni kuli umo no munankwe. Eico ico nacilungama? Na ucetekela ukuti Lesa kuti anjeba ico icilubene kuli ena? Ena tali pano. Na mona intamfu iikalamba; aali ku kabanga ukufuma pano. Ena ali mu Ohio. Ico nacilungama. Ena alelwala ubulwele bwa mu mulopa. Leka umukashi obe abule kalya akatambala palya, ena acili aletwalilila ukulila, ubike pali ena. Taufwile ukutwishika; aali nokupola. Wa cetekela ico?

<sup>122</sup> Pano pali na mayo munono ekele pano pene ku ntanshi yandi. Alelila. Kuliko icintu cimo icilubene no mwana, Nshi shibe. . . Iyo, cena takuli icilubene. Akwete fye ica kukabila. Alekabila ukupokelela ulubatisho lwa Mupashi wa Mushilo. Ifyo EFYA SOSA SHIKULU. Cetekela, we mwana, walapokelela Wena. Ico nacilungama. Taufwile ukutwishika.

<sup>123</sup> Pano pali namayo naikala kuno pa mpela ya mulongo. Alepepa. Ndi mweni kuli ena, lelo nafimbwa icinshingwa. Wa likwete ukubombelwa ukwingi. Nga cakuti tuli beni kuli umo no munankwe, Ine ndetontonkanya. Nshi kwishibe. Naiwe taunjishibe, kanofye mukumfwa limbi palwa ine. Ta ufumine muno. Uli mweni pakati kesu. Ufumine ku Wisconsin. Umusumba ni Milwaukee. Kabili ubwafya ukwete lipwa londa; lyabela pe bele. Ku bombelwa noku bombelwa, apabula icisuma ukufumano. Leka icicetekelo, cilya icaikete ku nsempe yacakufwala Cakwe, cetekela cena nomba line. Cingishe ici mu mutima obe; cena cili nokufikilishiwa. Kwata icicetekelo!

<sup>124</sup> Umwaume uwikele mulya mu lusoso pano. Ale pepelako ba nyina. Ena mweni kuli ine. Nsha mwishiba. Lelo alepepelako ba nyina. Kabili ba nyina bakwete ubwafya bumo bwine ubo uyu mwanakashi akwete, ipwa londa. Nangula, ena aletina palwa bwena, ico eflyo cena cili. Kuliko umwaume iwe ulepepelako, kabili uyo mwaume nakwata ubwafya mu numa yakwe. Ali, pamo, Na mumona nakolwa. Alingililwa no bwalwa. Ni munonko. Iwe tauli wakuno. Ufwumine ku Illinois. Na ucetekela

Lesu kuti anjeba ishina lyobe? Farmer. Ico nacilungama? Imyako ukuboko kobe. Cetekela!

<sup>125</sup> Kuliko umuntu umo nafukamako pa lwa muntu umo, alepepelako umuntu umo uulele pa busanshi. Cisuma. Bushe naucetekela fintu umfwile, ukuba Icine, namayo? Naucetekela. Nga cakuti kuti Na kundapa, kuti Naisa nokucita ici. Lelo iwe kale kale naundapwa na Kristu, wamona. Ufwilefye uku cicetekela. Ulya na mayo eminine palya, alepepa, acila kupepelako ukuti akukumyemo. Nshi kwishibe, lelo Lesu nakwishiba. Ufumine kunse wa musumba uno, pamo. Ico nacilungama. Ufumine ku Illinois. Ico nacilungama bwino bwino fye. Umusumba witwa East Moline, Illinois. [Nkashi atiila, “Uyo wine e musumba umo Na fyalilwe.”—Kale.] Ulelwala ubulwele bwe pwalonda. Uli mukashi wakwa kapyunga. Bushe naucetekela? [“Ee.”] Ulefwa, ukulambalala apo. Mulandu nshi tawinga Mu pokelela mu nshita ino iya bushiku, kabili nokutiila, “Ni mupokelela, mu mutima wandi, ne cicetekelo candi ukucila pali conse ico cili pano, Ni ncetekela ukuti Ni mpola. Ndi Mukubapo kwakwa Lesu.” Imininako, cetekelafye, kabili kabiye ku ng’anda no kupola. Uyo ali apa.

Bushe na mucetekela ne mitima yenu yonse? [Ulukuta lwasangalala—Kale.] Na tulumbanye Lesu.

<sup>126</sup> Taata mwebaba mu Muulu, twa Mutotela pa busuma Bwenu no luse. Twa Mutotela, pantu, Mu cili pano, bwino bwino fye pakati ka bwafya bonse. Muli lino isonde ilya pilibulwa, nangu cibefyo Imwe muli pano. Leken i Mupashi Wenu, Shikulu, ube lyonse pamo naifwe. Na tumona ukuti Muli pano, Lesu ne nkanda pali ici, mu mitima yabantu; ukupela icicetekelo, no busokololo, ne cimonwa. Muli Lesu mu Chalichi, Lesu mu bantu Benu. Twa Mutotela pali ici, Shikulu. Kabili lekeni umuntu onse aceteekele, munshita ino iya bushiku, no kumfwana kumo, kabili lekeni bena bondapwe. Ukupitila Mwi Shina lya kwa Yesu Kristu, Na pepa. Ameni.

<sup>127</sup> Nibanga uko ku ncende abakwete ifitupa fyaku pepelwapo, kuli *ulo* lubali? Leken i bonse abali kuli *ulo* lubali, babweleleko ku numa, beseko pakati ka ncende yafipuna muli *iyi* inshila. Bonse abali kuli *iyi* inshila, beseko ukufumina kuli *iyi* inshila, sendenifye icifulo cenu, beseko ukufumina kuli *iyi* inshila. Leken i abo, ilyo bwangu bwangu bena bapwisha, *uyu* mulongo ufwile wasuntinkana no ukonkelepo ku lubali lumbi.

<sup>128</sup> Mwe bakalamba iseni kuno. Munyina Roy, Shikulu akupale; nshishibe ukuti wikele palya. Nde fwaya abakalamba aba mu chalichi bese pano mukwangufyanya, Nga cakuti kuti baingila ukufuma konse uko bali. Bese pano ku bwafwilisho ubunono.

Nde fwaya cila umo uyo uwalapepelwako, emye ukuboko kwakwe, nokulanda ifi ukunkonka panuma yandi.

Shikulu, [Ulukuta lwatiila, “Shikulu,”—Kale.] Nacetekela. [“Na cetekela.”] Ngafweni Imwe pakukana cetekela kwandi. [“Ngafweni imwe pakukana cetelela kwandi.”] Na cetekela [“Na cetela”] ukutila Mukubapo Kwenu, [“ukutila Mukubapo Kwenu,”] lintu Nde konka i Cebo Cenu, [“lintu Nde konka i Cebo Cenu,”] kabili ama... amaboko naya bikwa pali ine munshita yamuno bushiku, [“kabili amaboko naya bikwa pali ine munshita ya muno bushiku,”] Na lapokelela ubundapishi bwandi, [“Na lapokelela ubundapishi bwandi,”] mwi Shina lwakwa Yesu. [“mwi Shina lyakwa Yesu.”] Ameni. [“Ameni.”] Lesa amipale.

<sup>129</sup> Nomba lolesheni. “Ipepo lya cicetekelo lili nokupususha abalwele. Nga cakuti babika amaboko yabo pabalwele, bena bakapola.” Ena aebele Noah ukuti ili noku loka. Yena taya—Ena tatalile. . . Nsha citala sosa, “Lintu palya pene fye ba—ba kupepelako, walaba bwino.” Ena atiile, “Bali nokupola.”

<sup>130</sup> Aebele Noah ukuti ili nokuloka. Yena tayalokelepo pa myaka umwanda umo na makumi yabili, lelo yalilokele.

Aebele Abrahamu ukuti aali no kukwata akanya muli Sarah. Ta cacitike pa myaka amakumi yabili-na isano, lelo calicitike.

Aebele Esaya ukuti na cisungu aali no kwimita. Ta ca citike pa myaka imyanda cine konse konse, lelo aali mite.

Bushe ico nacilungama? Aali cilaile! Te mulandu ne nshita ntali cinga senda, Ala cicita, mu nshila ili yonse. Mu cicetekele.

<sup>131</sup> Iseni kuntanshi nomba. Leken i Muniyina Capps aletungulula mu nyimbo. Mwakulasesha ifi tupa? Nomba lekeni umuntu onse abe mumapepo nomba.

<sup>132</sup> Taata wesu mwebaba mu Muulu, twa lanakila amafunde Yenu ukupitila mu kubika amaboko pali aba abantu aba abalwele. Nshi shibe icintu cimo cimbi ico Mwalacita, Shikulu, pantu Mwalanda ukuti, mu Cebo Cenu, Mwalishita ubundapishi bwabo. Na mu shininkisha ico ukuti Muli pano pamo na ifwe munshita ino iya bushiku, i Cebo ico icilingulula amatontonkanyo ayo ayali mu mutima. Namu shininkisha ico, ukuti Muli pakati kesu. Kabili Na mipapata, Imwe, Taata, ukutila i Cebo Cenu, ico icishifilwa, cala pangwa icituntulu kuli cila mutima! Ico Mwatiile, “Nga cakutila mwacetekela ici; mwakana ukutwishika, lelo mwacetekela ici; kuti mwalanda kuli uulu lupili, ‘Twe sela, kabili mwakana ukutwishika, lelo mwa cicetekela ukuti cili nokufikilishiwa!” Talandile lintu cikaba.

<sup>133</sup> Mwaebele abantu, pa Pentecosti, ukuya kulya no kulolela. Ta mwalandile ama ora, inshiku; Mwa tiile, “mpaka.” Nomba baleisa mukupokelela ubundapishi. Leken i betontonkanya pa cintu nangu cimo cimbi lelo pabundapishi bwabo pano, mpaka ubulubulo bwaisa. Twa Munakila mu kubika amaboko, pali bena, nga bacetekela. Mwi Shina lyakwa Yesu Kristu. Ameni.

<sup>134</sup> Cisuma, iseni pano pene nomba. [Munyina Branham naba bwananyina babika amaboko pa bantu, kabili nokupepelako cila umo mu mulongo waba kupepela. Pali tepu tapali mashiwi—Kale.] Na undapwa. Lesa akupaale. Twa lililenipofye. Ico cisuma! . . . ? . . . [Pali tepu tapali amashiwi.]

Ifintu fyonse kuti fyacitwa, cetekela;  
Cetekela, cetekela,  
Ifi . . .

Shikulu Yesu, Na pepela utu ututambala nomba, Mwi Shina lyakwa Yesu Kristu. Amen.

Nde elenganya nga cakuti kuti twacinja amashiwi:

Nomba Na cetekela, cena nomba Na cetela,  
Ifintu fyonse filacitwa, nomba Na cetekela;  
Nomba Na cetekela, nomba Na cetekela,  
Ifintu fyonse filacitwa, nomba Na cetekela.

<sup>135</sup> Bushe na mucetekela ukutila ico ica ipushiwa nokukabilwa cili no kufikilishiwa? [Ulukuta lwatiila, “Ameni.”—Kale.] Ici cili nokucitika.

<sup>136</sup> Na cimona, ilyo nacilapita mu mulongo inshita inono iyapitapo, bamo bacibusa abena Italy ukufuma ku Chicago. Nibanga baishiba Nkashi Bottazzi ukufuma ku Chicago? Cisuma, na mwishiba, aali kwete uku—uku kanatontokanyo bwino, ukusakamana no mwenso ukalamba apa pene nomba linefye, icabipile, icabipile nganshi. Lelo ulucelo mu Chicago ilyo kwali umwikulo wa bena Kristu bashi Makwebo Baume, Na ebele nkashi, pe samba lya kusubwa ukwa Mupashi wa Mushilo. Abwelele kulubali lumo, kabili afililwe uku iikatanya bwino capamo umwine eka. Kabili Natiile, “Nkashi, tawakafumemo muli ubo ubwafya nomba line, lelo uli no kuba bwino.” Natiile, “Cena limbi kuti casenda imyeshi ikumi limo na cine konse konse, nangu imyaka ibili, ulifye muli iyo ine mibele ilyo taula undapwa.”

<sup>137</sup> Ubushiku bumbi ilyo nalelanda pamo na ena . . . Na umfwile alepela ubunte, uwa nsansa nganshi, uwacilamo insansa isho tatale akwatapo mu bwikashi bwakwe bonse. Aninine munkunkula lubansa. Takwete no mutende, Ukubapo kwa kwa Lesa kwamoneke ukufumapo pali ena; pa mulandu, cena cali ku kana kwata amatontokanyo bwino, na mwishiba; kabili pa kashitafye akanono paishile bwelela ukufukumuka kwa kusangalala ukwingi, kabili amaka ya Mupashi wa Mushilo yali pali ena. Aloseshe, alilile, ena—ena akwete . . . Bena elyo bafumine muku kwata inshita iisuma, pa milungu itatu nangu ine iya pitapo, nangu umweshi umo. Kabili Na umfwile alepela ubunte, pa Mulungu ulya wafumineko, kabili atiile, “Munyina Branham, lintu Na bwelele, Na li lembelepo kabili nabulile ilya tepu. Kabili cali bwino bwino fye imyeshi ikumi limo na cine konse konse, ukufika pali bulya bushiku.” Amen.

Bushe mwali Mutemwa? [Ulukuta lwatila, “Ameni.”—Kale.]  
 Bushe Taba umusuma? [“Ameni.”]

<sup>138</sup> Nomba, Mupashi wa Mushilo umo wine uyo usobela bwino bwino, ukwabula ukupusapo nangu limo, imyaka yonse iyi; kabili, ukupitila mu Cebo Cakwe, naesha ileelo ukulangisha kuli imwe ukutula Lesa taba icintu cimo ukutali nangu icintu cimo icakale. Ena wa mweo, inshita iilipo nomba, I Cebo Cakwe ukuba icasokololwa. Uwaifisa Umwine eka mu cifimbo ca muntu, mu Chalichi Cakwe, uku isokolola Umwine eka ukupitila mucicetekelo candi, pamo, ukwisa bonse capamo, ukupanga bu umo ubwakwa Lesa. Ine teti ncite nangu cimo ukwabula imwe; naimwe teti mucite nangu cimo ukwabula ine; nangula ukucita icintu conse ukwabula Lesa. Eico, bonse capamo cena cipanga bu umo, ukwikatana. Lesa antumine pa bwiminishi bumo; mwacicetekela; kabili apo cila citika. Ifyo eflyo caba, mwamona, icashininkishiwa mu kupwililika fye.

Nshile sakama pa cilubene pamo na iwe, conse ico umuntu enga sosa; nga cakuti, ukufuma mu mutima obe, wacetekela ukuti uli nokupola, takuli nangu cimo icingalesha cena. Ena eflyo. Kabili Atiile, “Imyuulu ne sonde fili nokupita ukuya, lelo i Cebo Candi tacakafilwe.” Bushe mulecicetekela? [Ulukuta lwatila, “Ameni.”—Kale.]

<sup>139</sup> Nibanga abali no kumpepelako mu ku longana kumbi ilyo Naya? [Ulukuta lwatiila, “Ameni.”—Kale.] Ndi umo uyo uukabila amapepo. Mwamona? Onse umuntu onse ali nkana, mwamona, lelo imwe, kabili cibe kwaliba Ulubuto kunse kulya.

<sup>140</sup> Nalituma kalata ku South Africa. Ba lindesha ukwingilamo mulya kano Nalemba pa cipepala ukutula Ndi “nokula batisha, kulya kuntu, umuntu onse imiku itatu; umo uwa kwa Taata, kabili naumbi uwa Mwana, kabili na Mupashi wa Mushilo, ukulolesha ku ntanshi. Ku lubali lumbi, Mfwile ukubatisha ukuya kunuma, umo uwa kwa Taata... Kabili nokufundisha ukuti lyena e Sambilisho.”

Na balemebele kalata. Natiile, “Mupashi wa Mushilo aleesha, pa myaka inono iya pitapo, ukuti ningaya mu Africa nakabili. Alefwaya uku bomfya ubupyungishi bwandi kulya uko amakana amakumi yatatu mu cungulo cimo bapokelele Kristu.” Natile, “Ibukisheni, umulopa wa myeo yabo ukuba pali imwe, tekuba pali ine. Nali ipela ukwisa, lelo imwe mulekana ukucita ici.”

Ndesunguka ifyo cikaba muli ubu bushiku lintu Yesu, Umwana wakwa Lesa natamfiwa ukufuma mu chalichi, i Cebo nacikanwa? Lelo muli—muli conse ico, Ena acili aleipanga Umwine eka ukwishibikwa ku bantu Bakwe. Bushe tamuletotela pali cena? [Ulukuta lwatiila, “Ameni.”—Kale.]

<sup>141</sup> Kabili Na cipitako, mu nshita yabushiku, nokubika amaboko yandi pali bena, bamo banamayo abakalamba, bamo imisepela, bamo abakalamba, bamo abalumendo imisepela,

abaume abakote, balifye ababomba nga fintu Ine ndi. Na citontankanya ukuti, “Ukwikala palya, ukwikala palya ukulaumfwa ku Cebo ico isonde ilya shala litontankanya ukuti ku pena.” Mwamona? Bena baba—bena baba umusumali wakukakako. Mwamona, Lesa ali pano ukukakako cena ukupwililika, ukuku fumya bwino muku lwala kobe. Ici bulayo bwa Cebo. Ibukishenifye, cena cili no kutampa ukula kakisha, “Ndi nokubaleta; Ine ngana sumbulwa pa mulu, Ine ndi noku baleta.” Ena ali noku cifumya muli iwe. Ena mu cishinka ali nokucita. Iwe ufwilefye wa Mucetekela, kwata icicetekelo muli Ena. Taufwile uku Mutwishika. Cetekela Ena.

<sup>142</sup> Mulempepelako. Lintu tamukwete nangu umo umbi uwakupepelako, mulenjibukishafye.

Kabili nomba mpaka tu kakumane! mpaka tu kakumane!

Mpaka tu kakumane . . .

Twatotela pa kwisa ukwenda inyendo ishitali. Lesa amucingilile ilyo mule bwekela ku mayanda!

Mpaka tu . . .

Mukaposhe bonse abena Kristu, mubapele umutende bonse, ukufuma kuli lino ibumba pano. Umutende wakwa Lesa ube pali imwe! Umutende!

Lesa abe na imwe mpaka tukakumane!

[Munyina Branham atampa ukungwinta *Lesa Abe Pamo Naimwe—Kale.*]

. . .mpaka tukakumane!

. . .pa nkasa shakwa Yesu;

Mpaka tukakumane! mpaka tukakumane!

Lesa abe na imwe mpaka tukakumane!

<sup>143</sup> Ndi nensansa ishingwi. Mwamona, kuliko fimo, ifintu ifingi ifyo Nsha ishiba, lelo kuliko fimo ifyo Na ishiba. Nde totela apakalamba palwa imwe. Ndi uwansansa pa kwampana pamo naimwe. Ndi uwansansa pakuba umu pali imwe. Lesa abe naimwe pamo. Ali nokucita. Ta katala amusha. Takatala amulekelesha. Takatala amusha. Na mulepula nokupita pa cifimbo nomba. Mwamona?

<sup>144</sup> Ndi uwansansa ishingwi munshita ino iya bushiku pakumona Munyina Palmer, umu pali abo bakakumba twa ampana nabo kuno kwine, ukufuma ku Georgia. Munyina Junior Jackson ali muno cikulwa kumo ku ncende, mulya mwine mu lusoso, tuli ne nsansa pakuba nankwe. Munyina Don Ruddell uwikele pano pene. Oh, bengi nganshi! Nshi shibe, nga cakuti Na shako umu muntu . . .Munyina Ben Bryant pano, kabili na bengi bambi pano, umusuma munyina, Willard Collins. Tuli ne nsansa pakuba naimwe bonse pano.



Nde tontonkanya nga cakuti kuti twaimininako fye pamakasa yesu, pakashita fye akanono nomba. Na tukontamike imitwe yesu nomba.

Mpaka tukakumane!  
 Mpaka tukakumane pa nkasa shakwa Yesu;  
 mpaka tukakumane!  
 . . .mpaka tukakumane!  
 Lesa abe nemwe mpaka tukakumane.

<sup>145</sup> Na mumfwa kulya ukupalamana kwe senge pamo no Mupashi?

Lekeni tulu ng'winte. [Munyina Branham no lukuta ba tampa uku ng'winta *Lesa Abe Pamo Naimwe—Kale.*]

Ni mumona Munyina McKinney, ukufuma ku Ohio, ali pamo naifwe. Munyina John Martin na munyina wakwe. Wensansa ishingi pakuba naimwe bonse. Ine limbi nokumimona teti mimone, mweba bwananyina. Ena ali mishiba.

Mpaka tukakumane! Lekeni umutima wandi ne yenu, pamo no mutima wakwa Lesa, ube umo mpaka tukakumane! [Munyina Branham no lukata batwalililapo ukuing'winta *Lesa Abe Pamo Naimwe—Kale.*]

(Kuti nafwaya umo atu salanganye . . .? . . .)

Ilyo ifwe twa kontamikako imitwe nomba mwi pepo.

<sup>146</sup> Lekeni kapyunga onse eshibe ukuti ifwe tuli ne nsansa pali bena ukusangwa pano, bonse bashima pepo, mwe bantu ukufuma ku Tennessee, Ohio, kabili nokupita mu calo conse. Banamayo bamo Nacikumanya kulya ileelo, ukwenda inshila yonse ukufuma ku Boston. Ba munyinefwe abafita bacisa pano, muno lucelo, ukufuma kumulu kulya pamo. Abantu abengi ukufuma mu ncende ishalekana lekana mu calo; Nde mutotela bacibusa bandi abanakila abasuma. Lesa abe pamo na imwe. Nde kwita cibusa wandi. Ibukisheni ifyo Yesu alandile palwa cena? "Alapalamina nokucila pali munonko," ee, ni cibusa. Ilyo nomba twakontamikako imitwe yesu. . .Mpaka tukakumane nakabili mu nshiku shinono shikakonkapo, Lesa abe pamo naimwe.

<sup>147</sup> Na laipusha umusuma wesu, uwanakila munyina, Munyina Richard Blair, nga tekuti ese atusalanganye mwi shiwi lye pepo. Munyina Blair.



*UMUNTU UWA MICITILE IYA IBELA* BEM64-0614E  
(The Oddball)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu icungulo bushiku, pa 14 Akapepo Kakalamba, 1964, pa Branham Tabernacle ku Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)